



# सानसेयारि बड'सा

सानसेयारि 'बड'सा' खरीरालाइयाव  
समज्यादि जिज्जो लोखा थानाय रायथाय, खन्थाय,  
सल', सल'बाथा आरु हावबायादि थावनि, पार्क  
बाइदिनि स्यायाव लिन्नाय लिन्नाय दैथाय डर/  
सानसेयारि 'बड'सा' खरीरालाइया सेबरानानै  
फोसावगोन।

बड'सायाव लिन्नायानि दुबा खालाम,  
'बड'सा' खरी नोथां, जो बयबो आंगो खालाम।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, बिदिसि-783370

Website: www.bodosanewspaper.com

★ BODOSA ★ A Bodo News Daily ★ Sunday ★ 5 May, 2024 Kokrajhar, BTC, Assam ★ Vol.- 34, Issue No. 39? ★ R.N.I. Regd.No. 40994/91, Assam Govt. Regd.No. IPRD. 40/2006/3, ★ Rs.8/-

## गसाइगावआव एनडिए जुथाय हाब्जानि र'ड श'

एनडिएनि बिजाथि जयन्त बसुमतारिआ नै लाखनिबो  
बांसिन भट मोन्नाया रोखा : मन्थि रन्जित कुमार दास

गसाइगाव, 4 मे: थामथि  
खोलोबाव खुंनो गोनां  
बिसायख'थिनि थाखाय 1 नं  
कक्राझार लक सभा बियाबनि  
एनडिएनि बिजाथि जयन्त  
बसुमतारिनि बिसायख'थिनि  
फोसावदिनायनि बाहागो महरै दिने  
गसाइगावनि सदर सहवाव मोनसे  
र'ड श' खुंनय जायो। गसाइगावनि  
गान्धी नोगोरनिफ्राय जागायजेनाय  
र'ड श'आव राइज्यो सरकारनि  
केबिनेट मन्थि अशक सिंहाल,  
( 5 बिलाइआव )



बिटिसिआव थानाय माखासे बोसोर सिगां बमा  
बेरनाय, गुलि गावनाय, सुबुं लांखारनाय बायदि  
जाथाया जाफलेबाय थायोमोन: अशक सिंघाल



गसाइगाव, 4 मे: दिने गसाइगाव महखुमानि सिडाव थानाय 1 नं  
गसाइगाव बिधानसभा बियाबनि बेन्दोडव गोग्लेनाय बालागाव गेलेग्रा  
फोथाराव सानसेनि हाबाफारि लानानै दिने एनडिएनि बिजाथि जयन्त  
बसुमतारि बिथांखौ देहसासर खालामनांगोन ( 5 बिलाइआव )

## आसाम-भुटान सिमनानि रायमनाआव इउपिपिएलनि बिसायख'थि मेल 2020 माइथायावनो नांगोलआ ट्रेक्टरनि सिडाव गोग्लेनानै गैया जालादों: प्रमद बर'

गसाइगाव, 4 मे: "2020  
माइथायावनो हाग्रामानि  
राजखान्थिआ जोबलादों। बिथानि  
गोसो बादिदै खुंनय खुंथायखौ  
फोजोबसांनानै जों बिटिआरआव  
मोजां खुंथाय लाखिलांनानै गोजोन  
आरो गेना-खान्थि उदां खुंथाय  
खुंबोदों। हाग्रामानि खुंथाय समाव  
बिटिआरआव जो, जुवा, दावि-



हुमखि, लांखारनाय जाथाय  
सोमजहोनानै समाजाव मोनसे  
खान्थि गैयै सोमजहोदोंमोन।  
गासैबो बिथिडाव गेना-खान्थि  
थासारि सोमजिदोंमोन। नाथाय  
जेब्लानिफ्राय बिटिआरआव जोनि  
सरकार फेयो बे समनिफ्राय  
बिटिआरआव जेबो रोखोमनि  
( 5 बिलाइआव )

## मानासनि सिखिरि कटेजयाव गिबि मथि ड हिमन्त बिश्व शर्माआ हर थाफेदों, गुबुन गुबुन हान्जा-आफादजों सावरायज्जलायदों

भबानिपुर, 4 मे: लकसभा  
बिसायख'थिनि गुथालयाव दुंहाव  
थासारि सोमजिबाय थानाय  
समावनो वर्ल्ड हेरिटेज साइट  
मानास माहारियारि पार्कयाव थानाय  
हयव आसामनि गिबि मन्थि ड  
हिमन्त बिश्व शर्माआ हर थाफेदों।  
गिबि मन्थि ड शर्माआ थानाय  
हरनि 12:30 रिगायाव गोबां  
अन्जिमरि सरकारि बिबानगिरि  
खुंथायनि सुबुंफोरनि अनगायैबो  
बिजेपि दोलोनि  
हेफाजावगिरिफोरखौ लानानै वर्ल्ड  
हेरिटेज साइट मानास माहारियारि  
पार्कनि बासबारि साखाथियाव  
थानाय 'सिखिरि कटेज'आव फेयो।  
हयव सिखिरि कटेजयावनो थानानै



दिने फुनिफ्राय साननि 11:00  
रिगासिम सिखिरि कटेजयाव गिबि  
मन्थि ड शर्माआ बाक्सा जिल्ला  
आरो सालबारि महकुमानि गुबुन  
गुबुन दोलो, आफाद, समाजयारि  
आफाद, फसंथाननि  
बिबानगिरिफोरजों बाथा ( 5 बिलाइआव )

## भट थुनायनि 48 घन्टा सिगाडाव बिसायख'थि फोसावदिनायखौ होबथादों

दिसपुर, 4 मे: सुबुं थान्दै आइन्-1951 नि दफा 126 बादिदै  
फैगौ लकसभा बिसायख'थिनि मोनफ्रोमबो खोलोबयावनो  
भट थुनाय थुगेनायनि 48 घन्टा सिगाडावनो राजखान्थि दोलोनि  
बिजाथिफोर बिसायख'थि फोसावदिनायखौ फोजोबनांगोन।  
बे आयदाखौ लानानै राइज्योयाव फैगौ 7 मेयाव खुंजानो  
गोनां उथि खोलोबनि दरब्रै बियाबआव बिसायख'थि खुंनयनि  
बिथिडाव फैगौ 5 मेखालि मोनाबिलिनि 5:00 रिगायाव  
राजखान्थि दोलोनि बिजाथिफोरा बिसायख'थि  
फोसावदिनायखौ फोजोबनांगोन। मख'नो गोनांदि, फैगौ 5  
मेखालि मोनाबिलिनि 5:00 ( 5 बिलाइआव )



भारत बिसायख'थि आयग  
Election Commission of India



जेब्ला आं सुबुंफोरखौ मडेल क'ड अफ  
कन्डाक्ट सिमफायनाय नुयो  
आं बिसोरखौ  
होबथानो हायो

मडेल क'ड अफ कन्डाक्ट सिमफायनायनि अजद  
दैखांनो थाखाय cVIGIL एप डाउनल'ड खालाम।

सासे सांग्रां नोगोरारि जा।



- 1 रिपेल टाइम फट' आरो भिडिअ
- 2 जिपिएस इन्टिग्रेटेड
- 3 आन्दोयाव था
- 4 जिल्ला बिसायख'थि बिबानगिरिजों थोजों अजद खालाम



cVIGIL - नजर' सावथुनखौ नायनो  
थाखाय किउआर कड स्केन खालाम

ल'ग इन खालाम : elections24.eci.gov.in



भटार हेल्पलाइनआव क'ल खालाम

fb.com/ECI  
@ecisveep  
youtube.com/eci  
/company/election-commission-of-india-official  
@ecisveep  
Election Commission of India



भटार फारिलाइयाव नोथानि मुंखौ  
नायबिजिरनो आरो नोथानि बियाबाव  
बिसायख'थिनि अक्ट'खौ मिथिनो थाखाय  
QR क'डखौ स्केन खालाम

## सुजुगिरिनि खोलोम

### शामथि खोलोबनि बिसायख 'थि

फारिथैनु खुंजागसिनो थानाय हदतनि 18 थि लकसभा बिसायख 'थिनि थामथि खोलोबनि भट फोर्बोआ फेगौ 7 मे अक्टयाव खुंजागोन। दर 13 राइज्योनि मोन 94 बियाबआव खुंनो गोनां बिसायख 'थिनि फोसावदिनाय समफारिया गेजेराव साननैल' सम दँसे। फोसावदिनायनि बे जोबथा साननैयाव बिजेपि, कंग्रेसखो लानानै गोबां गिदित-फिसा माहारियारि आरो ओन्सोलारि दोलोफोरनि स्टार दैदेनगिरिफोर फोसावदिनाय, रड श्व' खुंनायफोरव मुखुब नांथाबनानै फोसावदिनायखौ गोखौनिफ्राय गोखौंसिन खालामदौं। बिसायख 'थिनि आसारखान्थि एबा कड अफ कन्डाक बाहाय जानायनि सिगां सिगां खुंजानो गोनां बियाबफोरव बिजेपि आरो कंग्रेसनि गोबांथार बिसायख 'थि गौमा, रेलि आरो रड श्व' खुंनाया गोखौंसिन महर लादौं। जौनि राइज्यो आसामनि मोन 4 बियाबआवबो फेगौ 7 मे अक्टयावलिनु थामथि खोलोबनि भट फोर्बोआ खुंजागोन। बे मोनब्रे बियाबआव एनडिए जुथाय हान्जानिफ्राय गुवाहाटी लकसभा बियाबआव बिजेपि, कक्राइर (एसएटि) बियाबआव इडपिपिएल, बरपेटा आरो धुबुरि बियाबआव अगपनिफ्राय बिजाथि महरै गसदौं। बे मोनब्रेबो बियाबआव दासान्दि राइज्योनि गिबि मन्थिफ्राय लानानै मिरु मन्थिफोर, राइज्योनि मन्थिफोर आरो मोनथामबो दोलोनि गोजौ थाखौनि दैदेनगिरिफोर रेलि, रड श्व' खुंनानै फोसावदिनायाव नांथाबनानै मोनब्रेबो बियाबआव एनडिएनि बिजाथिफोरा देहाजोबगोन होन्नानै दाबि खालामदौं। बेराफासँ एनडिए हान्जापि हँथायै बादायनाय बेरेखा दोलो कंग्रेस आरो बिपिएफआबो गावसोरनि फोसावदिनायखौ गोखौनिफ्राय गोखौंथार खालामनायखौ नुनो मोन्याय जादौं। कंग्रेस आरो बिपिएफआबो फोसावदिनायाव गावसोरनि हान्जानि देहानाया रेखा होन्नानै दाबिदौं। फोसावदिनायनि महरखौ नायोब्ला बादायारि गुबुन गुबुन दोलोफोरनि रुजुनायाव एनडिए जुथाय हान्जानि फोसावदिनाय मेल-मितिं, रेलि आरो रड श्व' खालामनायखौ गोखौंसिन आरो दोलै-नोपारै बाहागो लानायखौ नुनो मोन्याय जायो। बेराफासँ बिपिएफआबो गावसोरनि फोसावदिनायखौ गोखौं खालामनानै गौहो दिन्थिनायाव नांथाबनाय नुनो मोन्दौं।

बे खेबनि बिसायख 'थिखौबो थानाय 2019 नि बिसायख 'थि बादिनो हदतनाडै मोन 7 खोलोबजौं खुंजागसिनो दडा मोन 543 मासिनि थाखाय बिसायख 'थिनि भट फोर्बोआ 44 साननि हाबाफरिजौं मावफुंजागोन। एप्रिलनि 19 अक्टयाव गिबि खोलोबनि मोन 102 मासिनि थाखाय भट खुंनार्यनि उनाव नैथि खोलोबनि 26 एप्रिलनि बिसायख 'थि फोर्बोआवबो मोन 89 मासिनि थाखाय भट खुंफुं जालाबाय। बे खेबनि बिसायख 'थियाव गासै 97 कौटि मुं फारिलाइआव थानाय भटारफोर गावबा गावनि भटखौं होगोन। हादतनाडै मोन 10.5 लाखनि बांसिन भट मिरुफोरव गं 55 लाख इभिएम नि मदतजौं भट आजावनाय जागोन। नोजोर होथावनादि- बिजेपि दैदेनाय एनडिए जुथाय हान्जाया फोसावदिनायाव नरेन्द्र मदिखौनो थामथि खेबनि थाखाय गाहाइ मन्थि खालामनो फोसावदिनाय नुनो मोन्याय जादौं। लोगोसे सिगांनिखुइ बे खेबनि बिसायख 'थियाव बांसिन मासि देहानायनिबो थांखि लानायखौ फोसावदिदौं। बेखौ नोजोर होयोब्ला बिजेपिनि दैदेनायाव एनडिए जुथाय हान्जानि सरकार फैयोब्ला मदिआनो गिबिसिन कंग्रेस नडै दोलोनिफ्राय लान्थिथै खेबथाम गाहाइ मन्थि जानो हागोन।

एनडिएनि ब्रेजौ मासि यगंठखौं होबथानायनि थांखिथै कंग्रेसनि दैदेनायाव गोबांथार बेरेखा दोलोफोर खौसे जानानै मोनसे जौसाडव गसफेदौं। नाथाय मासि रानलायनायाव खौसेथि फेनो हाये एबा गनायलाथैखौबो नुनो मोन्याय जादौं। बेखौ नोजोर होयोब्ला बेरेखा दोलोनि जौसाड थांखियाव सौहेनो हागोन ना हाया सानो गोनां। बे मोनैनिबो थांखि आरो मिजिंखौ 4 जुनिसिम गासै हादतआरिफोरनो नेनानै थाबाय।

## दिनैनि फान्जामुथि

### राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेष:** माखौबा लानानै जिंगायाव गोपलैनो हागौ। गोसोखौ लोरबां लानो नाड।
- बृष:** हरखाबे माबाफोर मुवा-बेसाद मोन्नो हागौ। गोसोखौ गोजोन मोनगोन।
- मिथुन:** माबाफोर मुवा-बेसाद मोन्यायनि सुजुग-सुबिदा दड। नाजायोबा मोन्नो हागौ। मोजॉ सान।
- कर्कट:** मोजॉ लोगोरिनि थाखाय आगान सुरनानै लानो हागोन। बे राशिनि थाखाय गाहाम सान।
- सिंह:** सोरनिबा मेगननि नोजोरआव गोलैबायनो हागौ। जैरेबो सांग्रां जानानै थानांगोन।
- कन्या:** जेखि मावा फालांगिआव मुलाम्फा मोन्नो हागोन। गोजोन मोनगोन।
- तुला:** नख'र संसार जानायनि खरसा खालामनाया बांगोन। थाखानाय रांआ जोबसांनो हागौ।
- बृश्चिक:** माबाफोर मोन्नांगो मुवा-बेसादफोर दडबा मोन्नो हागोन। गोजोन्नायखौ मोनगोन। मोजॉ सान।
- धनु:** जेखि जाया शुभ खामानि मावनानै लानो हागोन। सान्नायफोर जाफुंबायनो हागौ।
- मकर:** बबेबा खामानियाव हँथा मोन्नो हागौ। सान्नाय थांखिफोर फेलें थानो हागौ।
- कुम्भ:** बायदिसिना सानखानानै गोसोआव गिनाय सोमजिनो हागौ। गोसोखौ लोरबां लानो नाड।
- मीन:** फालांगि मावनायाव खहाफोर जानो हागौ। सांग्राडै मावनांगोन।

## पेट्रल बमजौं गाग्लोबनाय केसखौ सुस्त्रानो सरकार नाजागासिनो होन्ना गिबि मन्थि सांमाया बुंदौं

शिलं, 4 मे : मेघालय सरकार बावैसो सिगांनि सानफोरव पेट्रल बमजौं गाग्लोबनाय जाथायफोर बांबोनार्यनि जाहोनाव राइज्योनाडै जेंना गोनां आइनारि बेब'स्थानि थासारिखौ सामलायनो थाखाय फारफोमथिबो नाजागासिनो दड। बे बाश्राखौ मेघालयनि गिबि मन्थि करनाड सांमाया शुक्र बारखालि मिडियानि सिगाडाव बुंदौं। लोगोसेनो बिथाड दाबि दैखांदौंदि, राइज्यो सरकार खालामनाय जर'खा नायबिजिरनायनि फिनजाथाइ महरै शिलंआव लान्थिथै पेट्रल बमजौं गाग्लोबनाय जाथायफोर नुजाथिदौं। राइज्यो सरकार बे फोर बायदि गोब्राब जाथायफोराव लोब्बा गोनां सुबुंफोरखौ हमनो थाखाय गोखै नायबिजिरगोन। फोरमान आरो साखिफोरखौ बिथा खालामनानै आबुडै नायबिजिरनो आखायाव लादौं आरो बेनि जाहोनाव बेफोर बायदि फिनजाथाइ होनायखौ नुनो मोनगोन होन्ना आसा खालामखादौंमोन। बेनिखायनो सरकारनि गोखौं नायबिजिरनायनि सायाव बेबायदि फिनजाथाइ होनायाव गावसोर जेबो सोमोनांनय गिबि मन्थिया बुंवावदौंदि,



मोनाखै। मख'जाथावदि, मेघालयआव 1 दाननि गेजेराव बेबायदि पेट्रल बमजौं गाग्लोबनायनि मोन 8 के सफोरखौ नुनो मोन्दौं। बेफोरनि गेजेराव गंथाम पुलिस स्टेशनफोराव गाग्लोबनाया दंफायो। शिलं सदर पुलिस स्टेशन, रिनजाह पुलिस स्टेशन आरो मावलाइ पुलिस स्टेशनजौं लोगोसे एमजिसिसि मावख', जभाइ पुलिस रिजार्भ आरो दै रानसारथाइ बिफानफोरावबो गाग्लोबनाय जादौं। अदेबानि बेफोर पेट्रल बमजौं गाग्लोबनाय केसआव दासिमबो रावखौबो हमनाय जायाखै। मेघालयनि गिबि मन्थिया बुंवावदौंदि,

### आल्फा-आइआव जयेन जानो थानाय आसामनि सासे लाइमोनखौ हमनो हादौं



गुवाहाटी, 4 मे : नागालेण्डआव थिसनजानाय आसाम राइफल्सनि जवानफोरा सासे लाइमोनखौ गोब्राबे बे समाव जिम्मायाव लायो जेब्ला बियो होबथाजानाय उतखारि आफाद आल्फा-आइयाव हाबहेनो थांदौंमोन। हमजानाय लाइमोनखौ आसामनि गलाघाट जिल्लानि उदयपुर मेरपानि गामिनि होन्नानै मिबथिनो मोन्दौं। आल्फा-आइयाव जयेन जानो थानायाव लाइमोननि मुंखौ मुनिन्द्र दास नारयण होन्ना मिबथिनो मोन्दौं। सुलुंनिफ्राय मिबथिनो मोन्याय बायदिब्ला आसाम राइफल्सनि जवानफोरा शुक्रबार 3 मेखालि नागालेण्डनि मन जिल्लानिफ्राय मुनिन्द्रखौ हमनो मोन्दौं। उनाव बिखौ आसामनि चराइदेव जिल्लायवाव पुलिसनो गथायनाय जायो।

### आरबिआइआ लुनाय मावथांखिफोरनि रां होनार्यनि थाखाय नेम-खान्थिफोरखौ गोखौं खालामनो सुबुरुन होदौं



गोदान दिल्ली, 4 मे : रिजार्भ बैंक अफ इन्डियाया (आरबिआइ) शुक्र बारवा लुबाय थानाय मावथांखिफोरनो दाहार होनार्यजौं सोमोन्दो थानाय नेमफोरखौ गोरा खालामनो थांखि दैखांदौं। मिरुआरि बैंकनि ड्राफ्ट नेमफोरा मावथांखिनि थाखो बायदियै मावथांखिफोरनि थाखो रान्नाय आरो लुनाय खोन्दोनि समाव 5 जौखोन्दोसिम गोजौ राहा खालामनो थांखि दैखांदौं। सिगांनि दाहारनि फारियाव मावथांखि दाहारनि जाहोनाव बैंकफोरनि बेलेन्स शीटनि सायाव नारसिननाया बांदौं मानगोनां सम्फथिनि राहाया 0.40 जौखोन्दोमोन। थांखि लानाय नेम-खान्थिफोरनि सिडव मोनसे बैंकआ लुनाय खोन्दोनि समाव दाहारनि 5 जौखोन्दोखौ आलादा दोन्नांगोन। बबेखानि बे रुजुज'खाया मावथांखि जागायजेन्नायजौं लोगोसे खमायलाडे। बे मानथाखोफोरखौ लाबोनो फोसावनाया गिबि खेब सेप्टेम्बर 2023 माइथायाव आरबिआइजौं खालाम जादौंमोन।

15 जुननि सिगां थांखिफोरनि सायाव बाहागोआरिफोरनिफ्राय बिबुंथि बिनाय जादौं। थांखि लानाय नेम-खान्थिफोरनि बायदिब्ला, जेब्ला मावथांखिया 'मावफुंनाय थाखो' सिम सौहैयोब्ला राडरि राहाफोरखौ फुनजि गोनां आद्रा थानाय रांनि 2.5 जौखोन्दोसिम लाबोनो हागौ आरो उनाव माखासे सर्तफोरखौ आबुं खालामनायनि सिडव 1 जौखोन्दोसिम बाडइ खालामनो हागौ। बे बोसोन खान्थिफोरा दाहारनि नारसिन्थायखौ सुस्त्रानायजौं सोमोन्दो गोनां गुदि खिथाफोर होयो आरो एकाउन्टफोरखौ आपडेट खालामनो थाखाय मानथाखो थि खालामो आरो गनायथिनि थाखाय खावलायो। राडरि फसंथानफोरा 15 साननि गेजेराव मावथांखि रांखान्थियायि दाहारनि मानथाखोफोराव जायखिजाया सोलायनायखौ आपडेट खालामगोन। बे बिथिडव गोनांथार आदबखौ बेफोर बिथोनफोरखौ फोसावनायनि थाम दाननि गेजेराव थि खालामनाय जागोन।

## त्रिपुरानि रडमाटियाव सारअन्थाइ गावनानै सा 3 जिउ ख'हा आरो सा 7 जोखोम जादौं

आगरतला, 4 मे : त्रिपुरानि रडमाटियाव गोब्राब सारअन्थाइ गावनायजौं साथाम सुबुंफोरनि जिउ गोमायो आरो गुबुन सा 7 आ जोखोम जायो। रडमाटि सदरनि स्वर्नतिलायाव सासे, बघाइसारि महकुमानि रुपकारि संघुआव सासे आरो साजेकेआव सासे सुबुंफोरनि जिउ गोमादौं। खौरनि बायदिब्ला बृहस्पतिवार फुंनि 10 रिगासो समाव रडमाटि सदरनि थबलसरिनि स्वर्नतिला सिलेतिपारा ओन्सोलाव कापताइ बिलोयाव ना हमबाय थानाय समाव सारअन्थाइ गावनानै नाजिर आहमेद मुंनि सासे सुबुड गोब्राबै जोखोम जायो। बेनि उनाव बिखौ रडमाटि सदर जेनेरेल फाहामसालियाव फाहामथाइ होनो लांदौंमोनब्लाबो डक्टरफोरा बिखौ शैबाय होन्ना फोसाबो। नाजिरनि बैसोया 50 बोसोरमोन। बेनि अनगायै बहारजान मुंनि 57 बोसोर



बैसोनि सासे आइजोआबो सारअन्थाइ गावनायजौं जिउ गोमायो। आइजोआ रुपकारि इडनियननि बरादाम गामिनिमोन आरो बियो दुब्लियाव मोसौ लाइनो थानाय समाव सारअन्थाइ गावनायाव जिउ गोमादौं। फारसेथिं सासे इडनियननि लंतियान परसआव 37 बोसोर बैसोनि गुबुन सासेबाव आइजोआ जिउ गोमादौं। बिनि मुडा तनिबाला त्रिपुराममोन आरो सारअन्थाइ गावनानै बियो गोब्राब जोखोम जादौंमोन, नाथाय

उनाव बिबो जिउ गोमायो। बै ओन्सोलावनो स्वपन सकमानि गलायाव सारअन्थाइ गावनानै सा 7 गुबुन सुबुंफोरा जोखोम जादौं होन्ना मिबथिनो मोन्दौं। जोखोम जानायफोरखौ फारियै-तरुन सकमा (45), त्रिना सकमा (36), रबिन्द्रनाथ सकमा (62), सुसमलाल सकमा (48), मनि सकमा (36), पत्तर सकमा (52) आरो उमर ज्यति सकमा (45) होन्नानै मिबथिनो मोन्दौं। जोखोम जानाय गासैबो सुबुंफोरखौ बघाइसारि फाहामसालियाव फाहामथाइ होनाय जादौं।

### मणिपुराव हरियारि हिंसानि बोसोरारि सानआव सा 7 मेटेइ आइजोफोरा खानाय लान्था हजादौं

इम्पल, 4 मे : मणिपुराव 20 किल'मिटर साइकेल रेलि खालामखानायनि उनाव सा 7 मेटेइ हरिनि आइजोफोरा शुक्रबारखालि इम्पलनि कांला किलेआव गोखौं दिन्थिफुंनाय नि महरै गावसोरनि खर'खौ लान्था सिनजादौं। मख'जाथावदि, शुक्रबार 3 मे सानआ बै जर'खा सान, जेराव मणिपुराव हरियारि हिंसा जानाया 1 बोसोर आबुं जायो। आइजोफोरनि खर' लान्था सिनजानाया मोनसे अभियाननि बाहागो। सरसन्धा थासारि आरो गोजोन लाबोनार्यनि थाखाय, गासैबो हरिफोरनि गेजेराव खौसेथि लाबोनार्यनि बिसोरनि नाजानायखौ रोखा खालामो। ओन्सोलनाडै खौसेथिनि थाखाय बिसोरनि खावलायनाया मोनसे आलादा जौगाखानायनि गेजेराव नुजाथियो। आइजोफोरा खर' लान्था सिनजानायनि उनाव



खर'आव मणिपुरखौ रैखा खालाम आरो मणिपुरनि ओन्सोलालि खौसेथिखौ लाखिलां होन्नानै लिरनायखौ नुनो मोन्दौं। दरसे गावस्त्रानाय नुनो मोन्दौं। दरसे गावस्त्रानाय नुनो मोन्याय जादौं। कुकि इन्पि मणिपुर (केआइएम), कुकिनि जौसिन फसंथान आदिबासिफोर गाहाइ मन्थिनो गथाइनाय गोसोखालाइयाव कुकि-ज' सुबुंफोरनि थाखाय

मोनसे गोजोन राजखान्थियायि सुस्त्रानायखौ खावलायदौं। कुकि-ज' सास्पेन्शन अफ अपारेशन्स (एसअअ) हान्जाफोरा बै आयदाफोरखौ लानानै आलादा खुंथाय गाइसननो थाखाय दाबि खालामदौं। कौजेंलेइमा लाइमोन जौगाखां आफादा साइकेल रैजि हाबाफारिखौ खुंदौंमोन, जेराव सा 7 मेटेइ आइजोफोराबो बाहागो लादौंमोन। बिसोरो हाबाफारिनि

जोबथायाव गावसोरनि खर'खौ लान्था सिनजादौं। बे रेलिखौ चुराचन्द्रपुर जिल्लायवाव 2023 नि 3 मेखालि जागायनाय हिंसायारि जाथायखौ गोसोखानानै एबा बेनि बोसोरसे आबुं जानाय सानआव रेलिनि हाबाफारि खुंनाय जादौंमोन। रिपटफोरनि बायदिब्ला हरियारि हिंसानि जाथाया बैयाव थानाय 4 रोजानि बांसिन मेटेइ सुबुंफोर बिथा गैजायै जानांदौं आरो 3 रोजानि बांसिन सुबुंफोरनि न'-बांफोर सिलिखार जादौं।

### नेपाल सरकारआ 100 रांनि गोदान नट सेबखानो गनायथि होबाय

काठमान्डु, 4 मे : नेपालआ शुक्रबारखालि 100 रांनि गोदान नट फोरखौ मोनसे मानसावगारिजौं सेबखानो फोसाबो, जेराव बाश्रा दान्थेलायनायनि जाहोन दं। नंगुबैयै 100 रांनि बे गोदान नटआव बानायनाय नेपालनि मानसावगारिआ दान्थे-बिदान्थे गोनां थावनि लिपुलेख, लिम्पियाधुरा आरो कालापानीखौ दिन्थिगोन। भारतआ सिगांनिफ्रायनो बेफोर ओन्सोलफोरखौ आरिमुआरि महरै फेहेरनाय होन्ना बुंखाबाय। सरकारनि बुंथिगारि रेखा शर्माया केबिनेटनि थिरांथानि बागै फोरमायनाय समाव पीटीआइखौ बुंदौंदि, लिपुलेख, लिम्पियाधुरा आरो कालापानीखौ दिन्थिनाय 100 रांनि नटफोराव नेपालनि गोदान मानसावगारि सेबखानायनि थिरांथाया गाहाइ मन्थि पुष्प कमल दहल 'प्रचन्ड' नि दैदेनायाव मन्थि आफादिनि मोनसे मेलव लानाय जादौं। मख'जाथावदि नेपालआ बे दरथाम ओन्सोलखौ गावनि बाहागो महरै दाबि खालामनानै सम-सम बे आयदाखौ



दैखांबोगासिनो दं। बेनि सिगाडाव नेपालनि बारग' हादरगिरि बिद्या देवी भान्डारीआ बुंदौंमोनदि, कालापानी, लिपुलेख आरो लिम्पियाधुरायाव नेपालनि मोनसे मोनंथार बाहागो आरो भारतजौं बेनि बागै जायखिजाया नालायनाया राजथान्दियारि महरै सुखां जानांगौं। कालापानी, लिपुलेख आरो लिम्पियाधुरायाबो नेपालाव बिसायख 'थिनि जेंनाफोर जानानै दं आरो बारग' गाहाइ मन्थि केपी शर्मा अलीआ बिसायख 'थिनि समाव समायखिरा लादौंमोनदि, जुदि बिथानि दोलोआ गोहोआव फैयोब्ला बिथाड सावरायनायनि गेजेरजौं भारतनिफ्राय कालापानी, लिम्पियाधुरा आरो लिपुलेख

ओन्सोलफोरखौ लाफिनगोन। बे समावनो कालापानी, लिपुलेख आरो लिम्पियाधुराखौ गावसोरनि ओन्सोल महरै दिन्थिनाय नेपालनि मानसावगारियाव भारतनिफ्राय गोखौं फिनजाथाय जादौं। गासै दरथाम थावनिफोरा दोरोडरि महरै भारत-नेपाल सिमायाव उत्तरखान्दआव दं। 3 बोसोर सिगां नेपालनि संसदनि गाहाइ सदनजौं गनायथि होजानाय नेपालनि गोदान राजखान्थियायि मानसावगारिआ बैफोर ओन्सोलफोरखौ गावनि ओन्सोल महरै दिन्थिनो थाखाय भारतनिफ्राय गोखौं फिनजाथाय सोमजिहोदौंमोन। सासे भारतआरि मावख'गिरिया बुंदौंदि, कालापानी आरो लिपुलेखआ भारतनि फारसेथिं भारत-नेपाल सिमायाव थानाय गनै गामिनिमोन।



# सुबुंफोरा हारसिउयोब्ला गड ब्लेस इउ होन्ना बुंनायनि जाहोना मा मिबथिगौना ?

जेब्ला जोडो गगा मोनो आरो बेजों लोगोसे गुजुयो अब्ला गोबां हारसिउना नै देहाखौ लोरबां मोनो। अदेबानि हारसिउनाया मोनसे देहायारि हाबाफारि, जाय गन्थ एबा गारमायाव आलौनाय मोन्नायनि जाहोनाव जायो। नाथाय नोजोर होथाव बाभ्रादि, जेब्ला सोरबा सुबुडा हारसिउयो अब्ला खाथियाव थानाय सुबुडा गड ब्लेस इउ होन्ना बुडो। सोरबा हारसिउयोब्ला बेबायदि होन्ना बुंनाया माल्लानिफ्राय सोलिबोदों आरो मानि थाखाय बुंनाय जायो बेखौ रावबो रोखायै बुंथिनो हाया। हारसिउनायाव सुबुंफोरा गड ब्लेस इउ होन्ना बुंनायनि आन्दोआव मा जाहोन दड? नोंथाडबो बेनि फिन्नायखौ मिबथियाब्ला दिनै बे लिखिदांआव बेनि मख'जाथाव जाहोनखौ मिबथिहोनाय जागोन। गेजेर मुगायाव



इउरपआव जेब्ला प्लेग बायदि गोब्राब बेरामआ गोसारदोंमोन अब्ला हारसिउनायखौ बेरामनि लोक्षोन होन्ना गनायनाय जादोंमोन। बेनिखायनो सोरबा सुबुडा हारसिउयोब्ला गड ब्लेस इउ होन्ना नै बेरामि सुबुंखौ बेरामनिफ्राय रैखा खालामनो थाखाय इसोरनाव आर'ज गाबोमोन। माखासे सुबुंफोरि फोथायनाय बायदिब्ला हारसिउनाया जिउआव माबा

इशोरनाव आर'ज गाबो। बेफोरनि अनगायै आथिखालाव गड ब्लेस इउ होन्ना बुंनाया बांसिनै समाजयारि हामब्लाइथिनायनि बाहागो लानानै फैबाय। आथिखालाव बेरामि सुबुंफोरि फारसे गाहाम हामब्लाइनाय एबा बिनि मोर्जांनि थाखाय इशोरनाव खावलायनायनि मोनसे गंगलायो आर'ज गाबनायनि राहा होन्ना गनायजासै। गोदो गोदायनि समाव माखासे हारिमुफोराव गनायनाय दंमोनदि, हारसिउयोब्ला जिउमाया सोलेरनिफ्राय ओंखारलांनो हागौ। बिनिखायनो गड ब्लेस इउ होन्ना नै सुबुंफोरा आर'ज गाबोमोन, इशोरा बिनि जिउमाखौ देहायाव हरफिन्थों आरो सुबुंखौ गोगो देहाजों थानानै थाहोथों होन्ना इसोरखौ खावलायोमोन।

# रंजालि गथ'फोरनि सौरा

## आंनि उन्दै समनि बुब्लि

आंनि गोबों इरिंनि खथायाव थानाय, खिलि जेन्नाय जोंलारि गोजों अलंबार बायदि सोर दानानै होखो। आंनि उन्दै समनि बै बुब्लिखौ गोसोखांब्ला माखासे सानखांनाय फेयो। उन्दै समाव आं गेले-गेले थाबोदोंमोन बिमा-बिफाजों। वे दिना जैर बारलांबाय थायो, बे बायदिनो बैसोआबो लासै-लासै थांबाय थायो। बिमा-बिफांनि बोसोन होनायाव फोरोंनायाव। राव राइनो लिरनो रोंबाय। बिमा-बिफायानो बे समाइना बुहुमखौ नुहोबाय। गोबों फारथामनिफ्राय गोसलैना नै बिमाखौ गिबि गाबजिग्रानोंगौ जादों। बिनि उनावसो बिफा, बिदा खुरमा बाहागि। माब्लाबानो बोथोरजों लोगोसे जोबनानै थाडे आंनि बै उन्दै समा। आं जावय द सासे आजोला जोहोलाव सेंग्रा। देरनायजों लोगोसे आंनि सान्नायाबो उन्दै समनि बायदि थाबाय थालिया।

श्री हांखायग्रा बरगयारी  
गामि- खोला मावरियागाव  
ला:सो:- सिम्बरगाव।

## मोदैनि बाना

दुखु दाहायासो सागलोबजोबदों सुबुंनि समयना मुलुग संसारखौ, अन्जिमा गैयै थैनि बोहेनाय, नायहर हनै सुबुंनि रैरुब बिखानिफ्राय। बयबो बोजबनानै लादों हेव साननायखौ फोजोबनो सानदों संसारनि गोजोनखौ, अनलायनायबो गैलिया, सानलायनायबो गैलिया गोमा लांनो हमबाय गोजोननि बेन्दोंआ। सुखु गोजोन गासैबो, बे संसाराव..... सोलायजोबबाय दुखुनि बेन्दोंयाव, बयनिबो मेगनाव मोदैनि बानायाल' ज्रय-ज्रय बोहैनो लागै बाहा लादों। सुबुंनि जिउनि गोजोननि जुजि लायनायाव, खोमसियासो देरहासाद जानो हादों। गोजौ अखोरानि अखाफोरनि साथिनायखौ, गोसोम जोमैआसो जोखलोबनानै लानो हादों। बयबो दुखुखौ हमदांनो हायो, नाथाय! गोजोननि बेन्दोंखौ, लाबोनो नाजानायाव दुखुनि मोदैआ, लोगोयाव एसे सिथाबना फेयो।

मुस्रि फैलाव बसुमतारी  
फरायसालि- इउ एन एकाडेमि कक्राझार  
गामि- हुलमागाव  
ला:सो:- सट निलिबारि

## सिखि

सिखि नों मा एसे समयना मा एसे रमायना। नोंनि बे महर मुश्रीखौ नुनानै.....। आं गोसोबाय नुआखैमोन। आं रावखौबो नाथाय आंनि बे बिबार बारि आव हासिंङे नों? सिखि गेवलां गेवथां गलाब बिबाराव, बाबाथाय नों बेसे समायो.....। नोंनि बे गावआ गोजा, गोसोम, गोमो, गुफुर, मा एसे समयना नों सिखि। नों आंनि सानफ्रोमनि दुखु सुखुखौ.....। नोंखौ आंनि जिउनि लोगो; नों दिनैनिफ्राय आंखौ लोगो साननानै लादो। बे बिबार बारि आव सानफ्रोमबो बाफैबाय था, आंनि दुखु सुखुखौ सुगलाय होफे।

मिच प्रथिमा राणि ब्रह्म  
फरायसालि- जोंमा बडु फरायसालि

## जिउ

ओइ जिउ नों मा एसे गोमोथाव दानो दं दानो गैया दानो उजिगोन दानो थैगोन थस' लाइबादि नोंनि महर। बयखौबो मिथिस्लाब होयाजासे बयखौबो मोनथिनो मोनहोआजासे लाडे नों बयखौबो होयो नों ओमफ्राय बयनिबो मेगनाव मोदै। दासिमबो मिथिरोडखे आं मा जिराय नों? मानो एफा ग्राब मैया मैया? ओइ जिउ।

थरायना रैसुमै बसुमतारी  
फरायसालि- इउ एन एकाडेमि कक्राझार  
गामि: सथ मालगाव  
ला:सो:- सिलगारा।

## पुर्णिमा

हास्थायसुला गोसोआ हास्थायो खालि नोंनि बे हरनि समाव भुहुमखौनो जोंनानै समायहोग्रा जारं रां महरखौल' सानो आं नोंनि बे जोबथा गेवसारनाय दिनाव मोनहायाब्लाबो थुख्लायनानै आंनि गोबोंआव बोजबना लानो। नाथाय गैथ'आ आंनियानो नोंखौ थुख्लायनो हानायनि गोहो पुर्णिमा। दड'दा आंनि हास्थायनायाव खालि नोंखौ हरनि समाव आंनिसिम मोदान हरजानो लुबैनाय पुर्णिमा! आदि बेसेबां मोजां मोनो बे आंनि गेवसारनाय पुर्णिमाखौ। सोर मिथिदों आंनि गोबों सिंनिफ्राय नोंनो अन्नाय जासिनायखौ। नाथाय दुखु थागोन नोंखौ थुख्लायनानै आंनि गोबोंआव बोजबना दोननो मोनाब्ला पुर्णिमा..... नाथाय फाग्ला हास्थायसुला गोसोनि हास्थायनायखौ लानानै दानदाखौ ख्राज्र नाज्रय थुख्लायनायखौ मोनोब्लाबो गैथ'आ आंनानो नोंखौ दोननायनि स'नानि देरा। बिनिखायनो गैथ'आ आंहा नोंखौ मोननायनि राहा। सानबायल' गोसोआव आंहा आसा थंखिआ जाब्लाबो जासिगौ जोंनि बासा।

मुश्री सुदिब कुमार मोसाहारी  
गामि:- फुलकुमारी  
ला:सो:- खासियाबारी गोजौ फरायसालि  
जिल्ला:- कक्राझार (आसाम)।

## शोदोमश्चि

नोंनो गिबि आंनि मेगननि नोजोराव मुडा नोंनि जैर सोदोमश्चि महरा नोंनि नायबाय थाथावथाव बारफुनाय गलाप बिबार बायदि। लोगो मोनजेननाय समाव खसायधाम महालया फुजायाव गोसो माब्रैबा हरखाब मोजां मोनबाय नोंनि समयना महरखौ नुनानै। बावनो नाजाब्लाबो बावनो हाया नोंनि समयना महरआ बिखाया खलाब मोनखाडे नोंखौ गोसो खाना गोसो गोबों गुसु मेलेमाव। गलाप बिबारनि महर देरफुनाय नों सोदोमश्चि खावलाया नोंनि जारौ रौ बेनो बोनानै लाडे गोरबोखौ अनजालि गोथार गोसोनि फोथायसुलि। लोगो मोनोब्ला सानो रायदावनो हमथाना थाफिनो गोसोआ गोसोआवनो थाफिनो खुगानि राव। फोजोब होबाय नों नोंनि गोबोंनि गोथौ मिजंकरखौ

श्री आगष्ट नाजरी  
सिदली खासिकत्रा हाइयार सेकेण्डारी  
गामि-थाकथारा, ला:सो:-रन्डाइधाम  
जिल्ला- चिरां बि टि सि

## दाबो मोजां मोनो

नोंखौ आं दाबो मोजां मोनो प्राण गावनि गिबि आरो जोबथा साननानै। नाथाय नोंसो.....? नों मानो दासिमबो बुजिनो रोड, गोसो सिंनि रावखौ गोबां बाभ्रा बुंनांगौ दं आंहा नोंनि सिगाडव। नाथाय नों मानो खोनासंनो बायो? मोजां मोननायखौ नोंनो बेखेवप्रोदोंमोन नागारनायखौबो नोंनो बेखेव सिगोन नामा? नोंनि फावआनो मिथिहोबाय आंखौ नोंदि आंखौ नागरबाय होन्ना नै दान्दिसेनि थाखायल'ब्लालाय मानो मोजां मोनामोन नों आंखौ? सान्दों नामा नों लाभ आ टयेम पास होन्ना? गुबुननि थाखाय बियो थैजासिमनिसो। नोंनि मुडनो आंनि जिउ (प्राण) जाय जिउ गैयाब्ला आं थानो थानो हाया मानोना प्राणनि सोदोबथियानो जिउ।

मिस देंखो राणी ब्रह्म  
फरायसालि- इउ एन एकाडेमि कक्राझार  
गामि- सा सुकानिपारा  
ला:सो:- खाग्राबारि,  
जिल्ला- चिरां बि टि सि आसाम।

## बर फिसाफोर

नै बर' बिमानि आंगो फिसाफोर, जाखो मानो नोंसोर गावजों गाव सुथुर। गावजों गाव दान्थार सुथार रावबो गैया खौसे हनै नायहर बर'थिया सुबुंफोर- गावजों गाव एना एनिखौ नुनानै बर' हारि गोदोलांनो नागिरनायखौ नुनानै दुखुथिया बर' बिमाया बैसोमुथि बिखायाव जग्रबनानै मेगनाव मोदै खुगायाव खुदै लानानै हनै खानाय आइलि-जाइलि गाबै गाबै बुंदों- 'आय' आंगोनि फिसाफोर दाजासै नोंसोर गावजों गाव एना एनि सुथुर- खौसे जादो फिसाफोर खौसे जादो। खौसेनि दौलेंजों खाजबजादो फिसाफोर।' बर' बिमानि खावलायनायखौ नाजावदो बर'फोर, बयबो जों बिमा सासेनिनो फिसा बयबो जों बिदा-फंबाय, बिब'-बिनानाव जों बयबो गावजों गाव खौसे जायाब्ला- एना एनि गावजों गाव सुथुर जायोब्ला- गोमालांगोन सानसे आगोमा बर' हारिया। अब्ला बर' बिमानि मेगननि मोदैआ रान्नो रोंनाय नड। नै बर' बिमानि आंगो फिसाफोर, फे जों बयबो खौसे जादिनि। फे जों बयबो हारि सिबिलांनि।

थरायना बिदांश्री बसुमतारी  
गामि-सिमलापुगी ( दतमा )  
जिल्ला- कक्राझार

## बिबार

बिबार-बिबार मानो बारो नों बिबार फेयो नों मानो सानसे सानै निल' जिउ लानानै फैलाव मिथिंगा बिखायाव? दड' नामा नोंहा सानसे सानैनिल' जिउ नंगौ नों इशोरजों थिनहर जानाय बे फैलाव मिथिंगा बिखायाव? सम आरो बोथोरजों गोरबनानै फेयो आरो थाडे नों बे फैलाव मिथिंगा बिखानिफ्राय .....। समयना-रमायना बायदि हायना महरनि बिबार फोरा गेवलां-गेवथां बारदों हायना महरनि नों मोदोमफु बिबार नोंनि हायना महराव बेरे सिखिरिफोरा बिदै सोबनो बिरबाय बिरबाय नायगिर बायो नोंखौ बिबार मानो बारो नों बिबार? आय' बिबार नों मानो मोजोमसेल'? नोंनि हायना महरखौ नुफा-माफा बे फैलाव मिथिंगा बिखायाव। साया-माया, नुहां-नुवाहां दै थरथिंसेल'। सम जानाय लोगो लोगो - गोमा लॉफिन जोबो मानो नों बिबार? अ' बिबार नों मा एसे समयना-रमायना। नोंनि महरा सुबुंनि गोसो-गोबों आव गोजोनगलाय होयो। समयना-रमायना बायदि गोमो-गोथां गाब गोनां नोंनि महरा लासैनो गोबायो अनसुलि बुहुम बिखाखौ गावनि बोथोराव गाव..... सम आरो बोथोरजों गोरबनानै।

रिनदाव बसुमतारी  
गामि- आमिनफारा, पाटगाव  
जिल्ला- कक्राझार, बि टि सि, आसाम।

## सिमांनि रानि

लोगो मोनजेनदोंमोन आं नोंखौ सोरगोनि सिमांफुरि राइजोयाव, मोजां मोन्दोंमोन आं नोंनि सिमांनि रानि महरखौ। नाथाय नों मानो आंजों मोकथांआव नुजाफेया? नों मानो मोकथांनि रानि जानानै नुजाफेया? खालि सिमांआवल' सिमांनि रानि महरै नुजाफेयो नों आंनि सिगाडव। लादोंमोन आं नोंखौनो मोकथांआव जिउनि रानि, नाथाय नों आंखौ मानो सिमाडव जावलिया खालामबाय थायो? आदि नोंखौनो सिमांनि रानिब्लाबो बै सिमांफुरि राइजोयाव आलो गोजोनै थानो सान्दों।

श्री जांगिला ब्रह्म  
गामि- मध्य घसकाता  
ला:सो:- बनरगाव,  
जिल्ला- कक्राझार बि टि सि आसाम,

# गोदान आसाम, गोदान बिटिआरनि स्ल 'गानजों बाक्सा, चिराडाव मन्थि पियुष हाजरिकाया बिसायख 'थि फोसावदिंदों

गुवाहाटी, 4 मे: 'जोंनो गंसे गोमो बिटिआर नांगों, जोंनो दरसे गोदान आसाम नांगों, जाय बिटिआरआ जौगाखानाय बिटिआर जागोन। जाय आसामआ जौगाखानाय आसाम जागोन।' -बेबायदि बिबुंधिखौ मन्थि पियुष हाजरिकाया होदों। बाक्सा जिल्लानि सरायमारियाव जुथाय दोलोन बिजाथि जयन्त बसुमतारिनि हेफाजाबाव बिसायख 'थि फोसावदिनाय मेलयाव बाहागो लानानै मन्थि हाजरिकाया बेबायदि बिबुंधिखौ होदों। बिथाडा एरेबायदि दरसे बिटिआरनि गनायथि होनायनि बाश्राखौ मख 'दोंदि, जेरव थागिबि आरो बोसोर-बोसोरनाइँ जिउ खंबोनाय भारतयनि सुबुंफोरनि गेजेव जायखि-जाया दावराव-दावसि एबा नांस्लानया थानाय नडा। बिथाडा बुंदोंदि, बर' आरो अबर (बर' नडे सुबुं) खालामना जेब्ला जोडो दावराव-दावसि खालामो जौनि जेनाया माब्लाबाबो सुसां जानाय नडा। आसामआव जेब्लासिम ऊ हिमन्त बिश्व शर्माआ गिबि मन्थि महेरे बिबानाव थागोन नरेन्द्र मदिआ गाहाइ मन्थि जानानै थागोन, बे समासिमाव नांथामोनखौ रवबो-जेबो खालामनो हाया। जायखौ आं राइजोयारि फोसावना होदों। बिपिएफखौ सांखारिना नै मन्थिआ बिटिआर ओन्सोलयाव आगुयाव जाय बुथारलुनाय सोमजिदों मोन, लांखारनाय, बमा बेरुपु होनाय, हरियारि दाड-बाजि बायदि गोजोन गैथै थासरि सोमजिदोंहोमोन, नरेन्द्र मदिआ गाहाइ मन्थि जानायनि उनाव बिटिआरआव बेबायदि जाथाया



सोमजियाखै होना बिथाडा बुडे। 2014 माइथायनि उनाव बिटिआरआव बेबायदि थासरिया माब्लाबाबो फिन सोमजिफिनाखै। दिने बिटिआरआव बिजेपिनि सरकार जानायनि उनाव बिटिआरआव जायखि-जाया बुथारनाय-हिंसा खालामनाय जाथाय सोमजियाखै, बिथाडा बुंदोंदि, जोडो बयबो खौसे जाना थानांगोन। बर'-अबर' सानलायनायनानै बिटिआरआव गोजोन गैथै सोमजिहोनो नाड होना बिथाडा खावलायो। फारसेथि, बिटिआरआव हा-हु गैथै, पाट्टा गैथै सुबुंफोरखौ होखारनाय जागोन होना जैबायदि बांसावनाय खौरं गोसाहोदों, बेनि सोमोन्दै मन्थि हाजरिकाया बुंदोंदि, गिबि मन्थि ऊ शर्मानि थानाय समाव बेयाव रावखौबो होखारनाय जानाय नडा। रवखौबो अलखदयाव

खोखैनाय नडा। बिथाडा बुंदोंदि, गिबि मन्थि ऊ शर्मानि फारसे जेव नोंथांमोनहा फोथायनाय दड्ब्ला बुंथिनो लादोंदि, बिटिआरआव, सरायमारियाव जोडो रावखौबो अलखदयाव खोखैनाय नडा। सोरबा नोंथांमोनखौ गात्रि आखु

दिन्थियोब्ला, नोंथांमोनखौ अलखदयाव खोखैनायव जोडो सिरि थागोन बेबायदिया माब्लाबाबो जानाय नडा। गुबुन फारसे, इडपिएफखौ हेफाजाब होनांगोन होना मन्थि पियुष हाजरिकाया ट्रेक्टरनि

सावखारियाव भट होनो साप्रोमखौबो खावलायदों। मेलयाव बिथाडा नव कुमार शरनियाखौ थर्स दोलोन एमपि होना सांखारिना बुंदोंदि, शरनियाआ 10 बोसोर एमपि जानानै थादोंब्लाबो सराइमारियाव खेबसेबो फैयाखै। नव कुमार शरनिया बायदि बर'-अबर' बुंथिबाय थायोब्ला जेबो खामानि जानाय नडा। बिथाडा बुंदोंदि, जोडो बयबो असमीया, जोडो थागिबि, जोडो गाहाय थागिबि बयबो जुथायै थानांगोन। मख 'नो गोनादि, सानसेयावो मन्थिआ चिरां-सिदली बिधान सभा बियाबनि निलीबारि, बाक्सा जिल्लानि गलागाव बायदियै माखासे गेदर बिसायख 'थि मेल खुनानै इडपिएफ, बिजेपि आरो अगप जुथाय दोलोन बिजाथि जयन्त बसुमतारिखौ गोबां भटनि फारागथियाव देरहाहोनो खावलायदों।

# बजालि जिल्ला खुंथाया गोबां बिबांनि होबथाजानाय मुलि बोखांदों

बजालि, 4 मे: दिने फुनि समाव बजालियाव गंसे कन्टेइनरनिफ्राय गोबां बिबांनि होबथाजानाय फेग्रा मुलिफोरखौ बजालि जिल्ला खुंथाया बोखांनो हायो। मिथिनो मोन्नाय बादिब्ला, दिने फु बिलियाव गंसे कन्टेइनर ट्राकआव आयेन बेरेखायै गोबां बिबांनि होबथाजानाय फेन्सिडाइल मुनि गुजुनायनि मुलि लाबोनायनि सुलुं मोन्नायनि बिथायाव बजालि जिल्ला उफ्रा पुलिस बिबानदिदि जिनयन भुजानि दैदेनायाव आरो जिल्ला आबगारि बिफाननि लेडाइ बिबानगिरि प्रेम कुमार सिंहनि हेफाजाबाव लानाय साप्रोमनाय हाबाफारियाव 27 नं माहारियारि राजा लामानि भवानिपुरआव इडपि-21 सिएन-5610 नम्बरनि गंसे कन्टेइनर



ट्राकखौ हमनाय जायो। सिग्रोमनाय हाग्राया बजालि जिल्लानि मावफु बिजिरगिरि गौरव शेखर दासनि नुजाथिनायाव ट्राकखौ नायबिजिनरानै ट्राकनिफ्राय गं 10 रोखा बथल फेन्सिडाइल मुनि फेग्रा मुलिखौ बोखांनो हायो। मख 'नो गोनादि, ट्राकआव लाबोनाय ब्रितेनिया बिस्कुट कार्टनि सिडव आरो सन्टेइनरनि सिडव बानायनाय

सिखाव चेम्बाराव बे मुलि बथलफोरखौ लाबोखोमादोंमोन। बे आयेन बेरेखा हाबाजों लोब्बा थानायनि अजदजों उतराखण्डनि सुलतानपुरनि फायिम मुनि सासे सुबुंखौ हमनो हायो। मख 'नो गोनादि बोखांनो हायाय मुलिफोरनि बेसेना गासै 70 लाख जागोन होनानै फोसमायदों आरो बे जाथायनि सायाव दासान्दि बजालि जिल्ला खुंथाया गोखोडे नायबिजिरगासिनो दं होनानै मिथिनो मोन्नाय जादों।

## चिरानि निलिबारियाव एनडिएनि बिजाथिनि हेफाजाबाव मन्थि पियुष हाजरिकाया बिसायख 'थि फोसावदिंदों

बासुगाव, 4 मे: राइज्योव थामथि खोलोबनि भट थुनाया गेजेव सानैल' आद्रा थानाय समावोन कक्राझार लकसभा बियाबआव बिसायख 'थि फोसावदिनायखौ गोखों जानायखौ नुनो मोन्नाय जादों। कक्राझार लकसभा बियाबनि सिडव थानाय सिदली-चिरां बिधान सभा बियाबनि निलिबारियाव एनडिएनि फसंजानाय बिजाथि जयन्त बसुमतारिनि जानानै आसाम सरकारनि मन्थि पियुष हाजरिकाया दिने बिसायख 'थि फोसावदिनाय मेलयाव बाहागो लादों। बिसायख 'थि मेलयाव बाहागो लानानै मन्थि हाजरिकाया बुंदोंदि, कंग्रेस दोलोजों लोगोसे बिटिसिआव थानाय 17 बोसोर खुंथाय सामलायनाय बिटिसिनि बाग' गाहाइ मावफु सोद्रोमा हाग्रामा महिलारीनि खुंथाय समाव गोबां गेनाखाथि आरो लुथिनयनि बाश्राखौ मख 'नानै सांखारियो। माखासे बोसोर सिगाडव बे ओन्सोलनि सुबुंफोर गोजोनै जिउ खानो हायाखैमोन। आथिखालाव बिजेपि, इडपिएफनि खुंथाय समाव सरानसा सुबुंफोर गोजोनै जिउ खानो हादों होना बिथाडा फोरमायो। आथिखालाव बे ओन्सोलयाव गोजोन थासरिया फैयाव आरो ओन्सोलयाव जौगाखानायनि गुथालाबो जागायजेनबाय। बे ओन्सोलयाव फाहमाथय फरायसालिनिफ्राय जागायजेनानै गुबुन गुबुन गोखौ सोलेंथाय फसंथान गायसनायो जागायजेनबाय। कंग्रेस सरकारनि समाव बियाबनि जौगाखानायनि थाखाय नांगोबायदि धोन गथायनो हायाखैमोन। जायनि थाखाय जौगाखानायनि गोखैथिया बन्द' जानानै दड्मोन। नाथाय बिजेपि सरकार फेनायनि उनाव आगुनि गासै खांथिफोरखौ बोखारनानै बियाबनि जौगाखानायनि थाखाय गोबां बिबांनि धोन गथायनो जागायजेनबाय आरो जायनि फिथाइयाव जौगाखानायनि गोखैथिया 2 फान जानायखौ आथिखालाव राइजो-राजाफोरानु नुनो मोनगासिन दड्। बिसायख 'थि फोसावदिनाय मेलयाव एमएलए सुशान्त बराहाइ, कमलेश देब पुरकायस्ट, चिरां जिल्ला बिजेपिनि आफादगिरि रतन चन्द्र राय, इडपिएफनि काजलगाव ब्लकनि आफादगिरि परमेश्वर दैमारिमोनहा बाहागो लाफेदों।

## गुण गोनां फरायसाफोरखौ बडाइगाव रिफाइनारि बिफानआ बराय मान बावदों

बासुगाव, 4 मे: सोलिफु बोसोरनि गोखौ फरायसालिनि मेट्रिक आन्जादयाव गुण गोनाइँ उथिनय चिरां जिल्लानि सिडव थानाय बडाइगाव रिफाइनारि गोखौसिन गेजेरारि फरायसालिनि गुण गोनां फरायसाफोरखौ दिने बडाइगाव पेटुलियाम बिफाननि बान्जायनायाव बराय मान बावनाय जादों। बेखौ लोब्बा लानानै रिफाइनारिनि मेल जथुमसालियाव खुंनाय हाबाफारियाव बडाइगाव रिफाइनारिनि बिबान मोन्नाय गाहाइ बिथोनगिरि (सुबुं धोन) आरो फरायसालि सामलाय आफादिनि आफादगिरि के.सि. दैमारिमोनहा बराय बिबुंधि लाखिदों। हाबाफारियाव बडाइगाव रिफाइनारिनि मावफु बिथोनगिरि आरो रिफाइनारिनि गाहाइ एन.के. बरुवाया मोजों गोसोजों थि फरा-फारि सोलेंथाय लानाय, सोलेंथायनि हुदा खालामनाया जिउयाव जाफुंसारनो हायो होना फरायसाफोरखौ थोखिनानै बायदि बिबुंधि लाखिदों। बडाइगाव रिफाइनारि गोखौसिन गेजेरारि फरायसालिनि गोरयुं वि.के. शर्माआ फरायसाफोरनि थाखाय फेगो 2 बोसोर जोबोद गोब्राब सम होना मख 'नानै फरा-फारिजों लोगोसे बादायलायनाय थाखौनि आन्जादिनि थाखाय गावखौनो साखा-फारा जानो फरायसाफोरनिरिसिम बोसोन होयो। हाबाफारियाव फरायसालिनिफ्राय गुण गोनाइँ उथिसारनाय सा 22 फरायसाफोरनो फोसामन बिलाइ आरो अन्थोब होनायजों साबायख 'र बावनायजों लोगोसे फोरोंगिरिफोरखौबो बडाइगाव रिफाइनारि बिफाननिफ्राय बराय मान बावदों। मख 'नो गोनादि, फरायसालिनिफ्राय सोलिफु बोसोरव गोखौ फरायसालि मेट्रिक आन्जादयाव 100 जौखोन्दो उथिसारदों। हाबाफारियाव बडाइगाव रिफाइनारिनि गाहाइ बिथोनगिरि (सुबुं धोन) ए.जे. दासजों लोगोसे माखासे बिबानगिरिफोरा बाहागो लाफेदों।

# सालबारिआव एनडिएनि बिजाथि जयन्त बसुमतारिनि जानानै एमएलए फनिधर तालुकदारआ फोसावदिंदों

भवानिपुर, 4 मे: 'कक्राझार लक सभा बियाबव नव' कुमार शरनियाआ थानाय समाव खेबनै टर्च लाइटनि सावगारियाव बिसायखनिथि गेलेनानै देरगहानानै 10 बोसोर एमपि जाबाय। अबर 'नि सानसिजों एमपि जानानै गासैबो हारि-माहारिनि राइजो-राजानिफ्राय जानगाराव थादों एमपि शरनियाआ। नव' कुमार शरनियाजों कक्राझार लक सभा बियाबव जेबो जौगानाय फैयाखै। नव' कुमार शरनियायनि अबर 'नि राजखान्थि आरोबाव सोलिनय नंला। नव' कुमार शरनियाआ फसंनय बिजाथियासो कक्राझार लक सभा बियाबव थाबाय। नव' कुमार शरनियाआ थायासै। नव' कुमार शरनियायनि टर्च लाइटआ माब्लाबाबो जौनाय नंला। कक्राझारआव नव' कुमार शरनियाआ



बिजाथिखौ नागरानानै टर्च लाइटखौ लानानै थाबाय। बे खेबाव कक्राझार लक सभा बियाबव ट्रेक्टरआ गोखैथै खासगोन।' 'बे बाश्राखौ बुडे भवानिपुर बिधान सभा बियाबनि एमएलए फनिधर तालुकदारआ। दिने कक्राझार लक सभा बियाबनि सिडव थानाय मानास बिधान सभा बियाबनि कुमगुरि-भुजापाराआव एनडिएनि बिजाथि जयन्त बसुमतारिनि हेफाजाबाव खुंनाय मोनसे बिसायख 'थि

फोसावदिनाय मेलयाव बिथाडा बे बाश्राखौ बुडे। एमएलए फनिधर तालुकदारआ कक्राझार लक सभा बियाबव इडपिएफ एव एनडिएनि बिजाथि जयन्त बसुमतारिआ गोबां भटजों देहानाया रोखा होना दाबि खालामनानै बिथाडा बुडेदि, भारत हादतजों लोगोसे आसाम, बिटिसिआव गोजोन, खौसेथि आरो जौगानायनि खारथायखौ गोखैसिन खालामदों गाहाइ मन्थि नरेन्द्र मदिआ। गिबि मन्थि ऊ हिमन्त बिश्व शर्मानि दैदेनायाव सरकार आसामाव आरो प्रमद बर' दैदेनाय सरकार बिटिसिआव अरायथा गोजोन, खौसेथि गायसनाय आरो जौगानाय लाबोदों। बेनिखायनो जयन्त बसुमतारिनो भट होनायानो हादत दागिरि नरेन्द्र मदिखौ थामथि खेबनि

1 बिलाइनिफ्राय

## थामथि खोलोबनि बिसायख 'थि लोब्बाजों 5 मेनि वेलासिनिफ्राय ड्राइ डे फोसावदों

फोसावनाय जादों। बेबा बियाबव फिन बिसायख 'थि खुंफिनो गोनां जायोब्ला फिन बिसायख 'थि खुंफिनयनि बिथिहावबो भट होनाया जोबनायनि सिगानि 48 घन्टा ड्राइ डेनि गोहोमआ थागोन। गुबुन फारसेथि, 4 जुनखालि भट सानाय सानखालिबो भट सानाया जोबनाय समसिम ड्राइ डेनि गोहोमआ थागोन। ड्राइ डे फोसावजानाय समाव थामथि खोलोबनि लक सभा बिसायख 'थिनि सोसनजानाय ओन्सोलनि सिडव सोखा सुबुं एवा दोलोआ फेग्रा मुवा-बेसाद दोनथुमनाय, जै फानाय, फेग्रा मुवा रान्नाय एवा हटेलाव बे बायदि रोखोमनि मुवा-बेसाद लौनाय-जानायफोरखौ होबथानाय जादों। गासैबो लाइसेन्स गोनां जौनि गला, भारतआव दिहुनाय गुबुन हादतनि जौनि गला एवा बार एवा कलाव, हटेला, स्टर हटेला, ओन्सोलारि जौ एवा गुबुन रोखोमनि फसंथानाय बे ड्राइ डेनि समाव जौ फानाय एवा बायनाया बन्द थागोन। बेनि अनगायैबो बे समाव सोरबा सुबुड जौ दोनथुमनायनि बिथिडावबो होबथानाय जादों। आबगारि आइनि गेजेरजों लाइसेन्स गैया लासिनो जौ दोनथुमनायनि सोमोन्दै जिल्ला बेंगिरिजों गोखों सिग्रोमनाय जागोन आरो आइनि रगा लानाय जागोन। हादतआव गोजोन, उदां आरो गेबें बिसायख 'थि खुंनायखौ रोखा खालामनो थाखाय बे थोखिखौ लानाय जादों होनानै गंसे रदाब बिबुंसारनि गेजेरजों फोसामयहरदों।

## बिटिसिआव थानाय माखासे बोसोर सिगां बमा बेरनाय, गुलि गावनाय, सुबुं लांखारनाय बायदि...

थोखिजों बिजेपि राजखान्थि हान्जानि गेदेरथार सुबुं गौमा हाबाफारिआ जानानै थाडे। मख 'नो गोनादि, बे रोजा-रोजा सुबुं गौमा हाबाफारियाव गाहाइ आलासि हिंसाबे बाहागो लाफेथो आसामनि केबिनेट मन्थि अशक सिंघाल, बिटिआरनि इम रेवेका नाजिहारि, 1 नं बिधान सभा बियाबनि एमएलए जिरन बसुमतारि आरो गोबां रोजा-रोजा सुबुंफोर बे हाबाफारियाव बाहागो लाफेदों। मख 'नो गोनादि, बे हाबाफारियाव गाहाइ आलासि हिंसाबे बाहागो लानानै मन्थि अशक सिंघाल बिथाडा खौरंगिरिनि सिगाडव बिटिआर ओन्सोलाव साथि फैयाव, बिटिआर ओन्सोलाव थानाय माखासे सम सिगां बिटिआर ओन्सोलाव फेनो गियोमोन, बुथारनाय-गावथारनाय, सुबुं लांखारनाय, सिहाइ गुलिन गोमनाय बायदि जाथाय जानाया जोबनो थाडामोन, जायनि जाहोनाव बिटिआर ओन्सोलाव फेनो गियोमोन। नाथाय आथिखालाव बिटिआर गोजोन गोरोबथा जानायनि उनाव बिटिआरआव फेनो गिलिया, बेरयनो गिलिया। गोजोन थासरि फैयाव होनानै खौरंगिरिनि सिगाडव बुंथियो। बेजों लोगोसे एनडिएनि बिजाथिया फैयाव थानाय लकसभा बिसायख 'थियाव गोबां जौखोन्देनि भट लानानै देरहसात जागोनआ रोखा होनानै बुंथिबावो।

1 बिलाइनिफ्राय

## मानासनि सिखिरि कटेजयाव गिबि मथि ड० हिमन्त बिश्व...

फोरमायथिदों होनानैबो मिबथिनो मोन्नाय जादों। सिखिरि कटेजनिफ्राय ओंखारनानै गिबि मन्थि ऊ शर्माआ खौ रांबिजोंनि सिगाडाव बुंदोंदि, गुबैथै जैरेबायदि मानासयाव दावबायफेनांगो, दिने बेबायदि फैयाखै। राजखान्थि महेरे फेदों। उनाव सानसे नख थरिजों लोगोसे फेदों। मख 'नो गोनादि, गिबि मन्थि ऊ शर्माखौ भवानिपुर बिधान सभा बियाबनि एमएलए पनिधर तालुकदार, बिटिआरनि गाहाइ मावफु सोद्रोमा प्रमद बर', मावफु सोद्रोमा गौतम दास, एमसिएलए जय मुसाहारि, सालबार टिसिएलसिसिनि मासिगिरि विनद मुसाहारि, बिजेपिनि मानास बिधान सभा बियाबनि बिबानगिरि थिराज देडरि, बिजेपिनि बाक्सा जिल्ला आफादिनि आफादगिरि शरत शर्मा, बाग्रा' एमसिएलए चक्रधर दासमोनजों लोगोसे माखासे बिजेपि आरो इडपिएफनि दैदेनगिरिफोरा हेफाजाब होदों।

## गसाइगावआव एनडिए जुथाय हान्जानि र'ड श'

केबिनेट मन्थि रजित दास, बिटिसिनि गाहाइ मावफु सोद्रोमा प्रमद बर', एमएलए जिरन बसुमतारि, एमएलए रुपेश गुवाला, मावफु सोद्रोमा रेवेका नाजिहारी, उडलसन हासदा, उकिल मुसाहारी, एमसिएलए सजल कुमार सिंहजों लोगोसे बिजेपि, एजिरि आरो इडपिएफनि दैदेनगिरि-मावथिफोर बाहागो लायो। बे 'र'ड श'आखौ गसाइगावनि जयनोगोरआव थानाय एएसए मार्केटआव थुंगेहोनानै केबिनेट मन्थि रजित कुमार दासआ एनडिएनि बिजाथि जयन्त बसुमतारिआ नै लाखनिबो बांसिन भट मोन्नाय रोखा होनानै बुडे। फिन खेबसेबाव गाहाइ मन्थि महेरे नरेन्द्र मदिनो कक्राझार लक सभा बियाबवखौ बे खेबाव बान्था महेरे होनाया रोखा होनानैबो बिथाडा बुडे।

1 बिलाइनिफ्राय

## 2020 माइथायावनो नांगोलआ ट्रेक्टरनि सिडव गोलैनानै गैया जालांदों:....

गोजोन गैथै थासरि सोमजियाखै। हाग्रामानि लांगोलआ जौनि ट्रेक्टरनि सिडव गोलैनानै बायफेलांदों। दानिया नांगोलनि जेबो बेसेन गैया खामानिबो गैया।' 'बे बाश्राखौ बुडे बिटिसिनि गाहाइ मावफु सोद्रोमा प्रमद बर'आ। दिने कक्राझार लक सभा बियाबनि सिडव थानाय जमदुवार बिटिसि बियाबनि रायमना बाजारनि खाथियाव बिसायख 'थिनि फोसावदिनाय हाबाफारियाव बाहागो लानानै प्रमद बर'आ गावनि बिबुंधियाव बे बाश्राखौ बुडे। बिथाडा बुंबावोदि, हाग्रामाजों लोगोसे दानिया दोलीनि मावथिफोरनो गैला। लक सभा बिसायख 'थिनि उनाव बिथांनि राजखान्थियारि इयुनआ जोबलांगोन। हाग्रामानि बाश्राया जेबो बेसेन गैया। बेरेखा हान्जानि फासै राइजो-राजाफोरनि एसेबो हेफाजाब गैया। हादतनि गाहाइ मन्थि नरेन्द्र मदिखौ थामथि खेबनि थाखाय गाहाइ मन्थि मासियाव जिराय होफिनो थारव हादतनि गुबुन जायगाफोरजों लोगोसे कक्राझार बियाबनि भट राइजो-राजाफोरानु जांन्थि खाफ्रादों होनानै बिथाडा बुडे। कक्राझार लक सभा बियाबव एनडिएनि बिजाथि जयन्त बसुमतारिआ 3 लाखनिबो बांसिन भटनि फारागथियाव देरहागोन होनानै प्रमद बर'आ दाबि खालामो। दिनेनि बे हाबाफारियाव एमएलए जिरन बसुमतारि, राइज्यो सभानि एमपि रोनागोरा नाजी, जमदुवार बियाबनि एमसिएलए एवा मावफु सोद्रोमा रेवेका नाजिहारीजों लोगोसे इडपिएफनि दोलीनि दैदेनगिरि-मावथिफोरबो बाहागो लायो।

## भट थुनायनि 48 घन्टा सिगाडव बिसायख 'थि फोसावदिनायखौ होबथादों

रिगानिफ्राय सोरबा सुबुंफोर बिसायख 'थि फोसावदिनायनि सोमोन्दै मेल, लामा हान्जा सुरनाय, बायदि हाबाफारि खुंनो मोन्नाय नडा एवा जायखि-जाया सुबुं थुवर जानायाव बिसायख 'थि फोसावदिंदो मोन्नाय नडा। बेनि अनगायैबो टेलिभिजन, सिनेमेट्राफ एवा गुबुन बेबायदि जायखि-जाया बिजोडव बिसायख 'थि फोसावदिनायखौ होबथादों। बे समाव जायखि-जाया रोखोमनि हारिमुवारि हाबाफारि, फावथिना हाबाफारि एवा जायखि-जाया गोसो मोजों मोनहोनाय एवा मुहिहोनाय हाबाफारि खुंनानै बिसायख 'थिनि सोमोन्दै फोसावदिनायजों सरानसा सुबुंफोरखौ गोहोमथि खोखैनो मोन्नाय नडा। भट थुनायनि बिथिडाव भटारफोरा गाव थोखि लानायजों बिसायख 'थियाव बाहागो लानायनि थाखाय बे होबथानायखौ फोसावनाय जादों।

## अमिताभ बच्चन आ रजनीकान्तखौ स्टाइलिश स्टाइल आव गोबादों

बैसोगोरा फावखुंगुर रजनीकान्त आरो अमिताभ बच्चन आ गावसोरनि सावथुनफोरजों जोबोद जाफुंसार जानो हादों आरो बिसोरखौ सावथुन मुलुगनि बयनिखुइबो गोहो गोरसिन फावखुंगुर महरै मिबथिनाय जायो। थाबैनो सानैखौबो सावथुन 'भट्टियन' आव जयै नुनो मोनगोन। सानैबो बे सावथुननि थाखाय जयै सेबखानायखौ जागायबाय। बे सावथुननि मोनैबो सेटनि गोबां सावगारिफोरबो नुजाथिदों, जाय सशेल मिडियायाव गोसारगसिनो दं। बे सावगारिफोराव सानैखौबो स्टा सावजाथाव-बुट स्टाइलिश स्टाइलआव नुनो मोनाय जादों। प्रडाकशन हाउस लाइका प्रडक्शन्स आ एक्सआव 'भट्टियान' नि सेटनिफ्राय



रजनीकान्त आरो अमिताभ बच्चननि गोबां सावगारिफोर शोयार खालामदों। बेफोर सावगारिफोरखौ पस्ट खालामनानै प्रडाकशन हाउसआ केपनआव लिरदों, भारतआरि सावथुननि गेदेमाफोर! सुपारस्टार रजनीकान्त आरो शहशाह बच्चनआ गावसोरनि

रुजुजायै करिश्माजों मुम्बाइआव भट्टियननि सेटआव नुजाथिदों। मोनसे सावगारियाव सानैबो बिदा-फंबाय बायदि बोजबदों। अमिताभखौ गुफुर गाबनि शार्ट, ग्रे वेस्टकट आरो ट्राउजारजों लोगोसे गोसोम गाबनि ब्लेजारजों लोगोसे ट्राउजार गान्नाय नुनो मोन्दों। फारसेथिं

रजनीकान्तखौ गोसोम गाबनि शार्ट, गोसोम गोथां ब्लेजार आरो ट्राउजार गान्नाय नुनो मोन्दों। हास्थायगिरिफोरा सानैबो सुपारस्टारफोरखौ मोनसे फ्रेमाव नायनो थाखाय जोबोद गोसो गुदुं। सासे बाहायगिरिया लिरदों, 'सुपारस्टार आरो बिग बी'। गुबुन सासे बाहायगिरिया

लिरदों, 'गेदेमाफोर'। सासे थाथि बाहायगिरिया लिरदोंदि, 'मोनसे फ्रेमाव मोनै जाइन्ट'। रजनीकान्त आरो अमिताभ बच्चनआ 33 बोसोरनि उनाव स्क्रिन स्पेस रानलायगोन। सानैखौबो जोबथा खेब 1991 माइथायनि सावथुन 'हम' आव जयै नुनो मोन्दोंमोन। मुकुल एस आनन्दजों दिथा होजानाय बे सावथुनाव गबिन्दा, मुकुल एस आनन्द, अनुपम खेर, केदार खान, डेनी डेनजंपा, शिल्पा शिरोडकर आरो दीपा साहीआ दंमोन। खामानिनि बिथिडव रजनीकान्तखौ जोबथा खेब 'लाल सलाम' आव नुनो मोन्दोंमोन। ऐश्वर्या-रजनीकान्तजों दिथा होजानाय बे सावथुनाव रजनीकान्तआ मइदीन भाइनि फाव लादोंमोन। आथिखालाव बिथांखौ थाबैनो आरोबाव गोबां मावथांखिफोराव नुनो मोनगोन। अमिताभ बच्चनखौ फेगौ समाव 'कल्कि 2898 एडी' आव नुनो मोनगोन। बिथांखौ अश्वत्थामानि फाव खालामनाय नुनो मोनगोन। माखासे सान सिगां बानायगिरिफोरा मोनसे प्रम'फोसावदों, जेव अमिताभ बच्चननि मोनसे नुथायखौ जयै नुनो मोनाय जादोंमोन।

## प्रियंका चप्रानि फिसायआ लोमजानायनि थाखाय कनसार्टखौ दोन्थ दों

निक जनासआ प'प बय बेन्ड जनास ब्रादासनि बाहागो आरो प्रियंका चप्रानि फिसायआ आमेरिकानि रोजाबगिरि निक आरो बलिउडनि देसी गर्लआ जेब्लाबो गावसोरनि फिसाजो मालती मैरीजों सोराडव थायो। बेनि गेजेराव आथिखालाव प्रियंकानि फिसायआ मोनसे भिडिअ'शेयार खालामदों, जाय सशेल मिडिया बाहायगिरिफोरनि गेजेराव सावरायजागासिनो दं। बे भिडिअ'आव नेसनेल जिजु निकखौ गावनि अन्सायगिरिफोरनाव निमाहा बिनाय नुनो मोन्दों। बिथाड जनास ब्रादासनि कनसार्ट दावबायनायखौ दोन्थ'नायनि जाहोनखौबो मख'दोंमोन। रोजाबगिरि आरो फावखुंगुर प्रियंकानि फिसाय निक जनासनि



बे जिंगासिनो हानाय भिडिअ'आ सशेल मिडियायाव मोनसे दोहो सोमजिहोदों। निक जनासआ मोनसे भिडिअ पस्ट खालामदोंदि, बिथांहा 'इन्फ्लुएन्सा ए'दं। शुक्रबाराव निक आ इनस्टाग्रामआव फोसावदोंदि, बिथाड गावनि गाजि सावसिनि थाखाय जौसांआव दिन्थिफुंनो हायाखै। बिथाड गावनि अन्सायगिरिफोरनिसिमबो निमाहा बिबाय। निक जनासआ बेखौबो फोरमायदोंमोनदि,

जनास ब्रादासनि कनसार्टनि अक्ट'फोरखौ सोलायनाय जादों। केविन जनास, निक जनास आरो ज'जनासनि हान्जाया बे सप्ताहयाव मेक्सिक'आव दिन्थिफुंनो गोनांमोन। 3 मेआव निक जनासआ इनस्टाग्रामआव गावनि भिडिअ'खौ पस्ट खालामनानै बुंदोंदि, आं निक। आंहा फोसाववो थाखाय माखासे खौरां दं, जाय रंजाथाव नड नाथाय बेखौ बुंनाया गोनांथा। सानैसो सिगां आं माबा मोनसे

## अजय देभगानि अनस्क्रीनआव श्रिया सरनआ गावनि लुक्सनि थाखाय जेब्लाबो सोराडव थायो

भारतआरि सावथुन फावखुंगुरि श्रिया सरनआ बलिउडनिफ्राय साउथसिम गावनि फाव दिन्थिनायनि जादुखौ दिन्थिदों। फाव खालामनायनि अनगायैबो बिथांजोआ गावनि समाइना आरो नुथायनि थाखाय सावरायनायावबो थायो। श्रिया सरन भटनागरा 'दृश्यम' सावथुनजों हिन्दी सावथुनाव जोबोद मुंदाखा जानो हादों। बे सावथुनाव बिथाड अजय देभगानि अनस्क्रीन बिसिनि फाव खालामनानै बयनिबो गोसोखौ जै खालामदोंमोन। फावखुंगुरिया फाव दिन्थिनायनि थाखायल' नड बियो गावनि गोमोथाव क्लासिके ल मोसानायनि थाखायबो मिबथिजायो। बे समाववो श्रिया सरननि मोनसे मोसानाय भिडिअआ नुजाथिदों, जायखौ

## माहाम देहानि राहा

### पुडिनायाव थानाय गुणफोरा सुबुं देहानि जेंनाखौ बोस्रानायाव मदत होयो

पुदिनाखौ भारतनि बांसिन न'आववो बाहायनाय जायो। बेखौ शरबतनि महरैबो बाहायनाय जायो, नाथाय बांसिन सुबुंफोरानो पुदिनानि मुलाम्फाखौ मोनथिया। पुदिनाया सानायजों सोमोन्दो गोनां बेरामिफोरखौ जानगार खालामो मानोना बेवहाय एन्टिबैक्टीरियेल, एन्टिसेप्टिक आरो पेनकिलार गुणआ थायो। 1. आथिखालाव बोथोरा सोलायनायनि जाहोनाव गुजुनाय आरो गगा मोनाय सरासनस्ता बाथा जादों। बेबादियाव पुदिनाखौ दै गुदुडाव होनानै बेनिफ्राय आं खारनाय उखुन्दैखो मोनाबसुयोब्ला बेबायदि बेरामिफोर जानगार जायो। 2. माखासे मुवा बेसादफोरखौ जायोब्ला बायदि जेंनाया जागायो आरो उनाव गिखंथाव महर लायो। बेबादियाव पुदिनानि बिदैखौ सिनि लगायनानै लॉनांगो। 3. आथिखालनि लाइफस्टाइल,



अफिसनि टेसन आरो वार्क प्रेशरनि जाहोनाव खर'आ सानो हमो। बेबादियाव जुदि, पुदिनानि बिलाइखौ नाफ्लेनानै खर'आव फुनोब्ला खर'सानाया खम जायो। 4. हाथाय सानाया आथिखालाव सरासनस्ता जाबाय जाय जायखिजाय सुबुंफोरनावनो जायो। बे सानायनिफ्राय रैखाथि मोन्नो थाखाय पुदिनाखौ बाहायनो हायो। पिपरमिन्टनि

क्रिस्टलखौ हाथायनि गेजेराव दोन्नानै नारसिनोब्ला मुलाम्फा मोनो। 5. लाइमोनफोरनियाव सालमाइ, सिथरफोर जानायनि जेंनाया सरासनस्ता जायो, जायनि थाखाय पुदिनानि थावखौ मोखानि महयव लागायनो हायो। बेवहाय एन्टी इन्फ्लेमेट्री गुण डडा (बेखौ बाहायनायनि सिगां डाक्टरनियाव सुबुरन लानांगो) □

भारतआरि सावथुन फावखुंगुरि श्रिया सरनआ बलिउडनिफ्राय साउथसिम गावनि फाव दिन्थिनायनि जादुखौ दिन्थिदों। फाव खालामनायनि अनगायैबो बिथांजोआ गावनि समाइना आरो नुथायनि थाखाय सावरायनायावबो थायो। श्रिया सरन भटनागरा 'दृश्यम' सावथुनजों हिन्दी सावथुनाव जोबोद मुंदाखा जानो हादों। बे सावथुनाव बिथाड अजय देभगानि अनस्क्रीन बिसिनि फाव खालामनानै बयनिबो गोसोखौ जै खालामदोंमोन। फावखुंगुरिया फाव दिन्थिनायनि थाखायल' नड बियो गावनि गोमोथाव क्लासिके ल मोसानायनि थाखायबो मिबथिजायो। बे समाववो श्रिया सरननि मोनसे मोसानाय भिडिअआ नुजाथिदों, जायखौ




सुबुंफोरा जोबोद मोजां मोन्दों। श्रिया सरनआ 'दृश्यम' आरो एसएस राजामौलीनि ब्लकबस्टर सावथुन आरआव अजय देभगानि अनस्क्रीन बिसिनि फाव खालामदोंमोन, बिथाड गावनि सावथुनफोर आरो गावनि फाव खालामनायजों सुबुंफोरनि गोसोआव मोनसे गुबुन जायगा बानायदों। बेनि गेजेराव फावखुंगुरिया आथिखालाव गावनि गोदान मोसानाय भिडिअ'नि थाखाय

मोजाडे खालामनाय नुनो मोन्दों। फावखुंगुरिनि बे भिडिअ'आ सशेल मिडियायाव गोबां हेडलाइन्स बानायगासिनो दं आरो सुबुंफोरा बेनि सायाव गोखोडे बिबुंथि होगासिनो दं। नुथायनि बाथा बुडोब्ला, श्रियाखौ सनानि सिमाजों लोगोसे गुफुर गाबनि लहगेआव जोबोद समाइना नुनो मोनो। अजयनि अनस्क्रीन बिसिनि फावजों सोराडव फैनारयनि उनाव आथिखालाव श्रिया सरनआ इमरान हाशमी आरो मोनी रयनि वेब सिरिज 'श्व'टाइम' आव गावनि फावनि थाखाय गोबां बाखायनाय मोनगासिनो दं। खौरानि बाइडिब्ला, फावखुंगुरिखौ 'श्व'टाइम'नि नैथि सिजनआवबो नुनो मोनगोन। श्रिया सरनआ सासे भारतआरि सावथुन फावखुंगुरि □

## सफिया हयातआ गावनि इनस्टाग्राम एकाउन्टखौ खोमानायनि उनाव ब्लेकमेल खालामजादों

रोजाबगिरि, फावखुंगुरि आरो टिथि स्टार सफिया हयातखौ सलमान खाननि दान्थे-बिदान्थे गोनां दिन्थिफुंनाय 'बिग बस 7' आव नुनो मोन्दोंमोन। बिथाड बावैसो फोरमायदोंमोनदि, गावनि इनस्टाग्राम एकाउन्टआ



दाननिफ्राय जागायगोन। बेनिखायनो आं गासैबो मेचफोरखौ नायनो हायो। कलकातायाव फैनया आनि न'आव फैनया बायदि मोनो। बिथाड आरोबाव बुंदोंमोनदि, आनि थाखाय बेवहाय थानाया गोनां बेनिखायनो आं आनि खामानि बायदिथै थाडे। किंग खानआ सिद्धार्थ आनन्दजों लोगोसे सावथुन 'पठन' आव खामानि मावदोंमोन, जाय थानाय बोसोर 2023 माइथायाव रिलिज जादों। नाथाय शाहरुख खानआ फैनो गोनां सावथुननि मुनि सोमोन्दै जेबो खौरां फोरमायखै। □

खोमोरनायनि उनाव रांनि थाखाय ब्लेकमेल खालामदोंमोन। फावखुंगुरिया बुंदोंदि, गावनि एकाउन्टआ जेबो सोदोब आरो सर्त आरो जायखिजाया बिथोनफोरखौ सिफायनाय जायाखै मोन। सफिया बिथाड इनस्टाग्रामनिफ्राय कन्टेन्ट बोखारनायनि बागै गोबां सांग्राथि मोनदों आरो बिथांनि एकाउन्टखौ नोजोर होनो थाखाय बाहायनाय जादोंमोन। गावनि आनजादखौ शेयार खालामनानै सफियाया बुंदोंदि, दानसे सिगां आं इनस्टाग्रामाव सोरबा सासेनिफ्राय मोनसे मेसेज मोनदोंमोनदि, सोरबा आनि एकाउन्टनि सोमोन्दै अजद होनो

रोखा फिन्नाय मोनाखैमोन। बेनि उनाव बिथाड बै सुबुंजों सोमोन्दो लाखिदोंमोन, जाय बिथानो इनस्टाग्रामआव मेसेज हरदोंमोन। सफियाया बुंदोंदि, बे सुबुड बिखौ ब्लेकमेल खालामदोंमोन आरो एकाउन्टखौ एक्टिभेट खालामफिनो थाखाय रां बिदोंमोन। सफिया हयातआ 2016 माइथायाव सासे नान जादोंमोन, जायनि उनाव बिथाड गावखौ गाया सफिया बिमा मुं दोन्दोंमोन। बिथांजोआ एक्सोल्युट पावर, बिग बस 7, सेव कमेडी नाइट्स, द मिडनाइट बीस्ट, सुपारडुड, जनाथन क्रीक बायदि टिथि स्व'आव नुजाथिदोंमोन □

## हौवा फावखुंगुरफोरनि रुजुनायाव आइजो फावखुंगुरफोरा एसेल' रां मोनो: लारा दत्ता



फावखुंगुरि लारा दत्ताया आथिखालाव गावनि मावथांखिफोरजों सोराडव फेगासिनो दं। बावैसो जिय'सिनेमायाव 'स्ट्रेटजी: बालाकोट एन्ड बियन्ड' फोसावदों, जेराव फावखुंगुरिनि फावखौ जोबोद बाखायदोंमोन। बेनि अनगायैबो लाराया फेबाय थानाय मावथांखि 'रामायण'नि बागैबो सावरायगासिनो दं। लारा दत्ताया 2000 जिथाइनि जागायजेन्नाय बोसोरफोराव सावथुन मुलुगाव सासे मुंदाखा फावखुंगुरि जानो हादोंमोन। बिथाड अक्षय कुमार आरो सलमान खानजों खामानि मावदोंमोन। बावैसो मोनसे मोगा-मोगिनि समाव लाराया फोरमायदोंदि, माबैरे मासुलखौ लानानै दारिभिनाव नासयनाय दं। बिथाड बुंदोंदि, जायफोरा खाफाल

गोनां गाहाइ फावखुंगुरफोर जादों बिथांमोनहा गावसोरनि लोगो हौवा फावखुंगुरफोरनि रुजुनायाव बाडइ मासुल मोनगासिनो दं। इन्डियन एक्सप्रेसजों मोनसे मोगा-मोगियाव लारा दत्ताया बुंदोंदि, सावथुनाव सासे आइजो महरै गोबां जेंनाजों मोगा-मोगि जानो गोनां जायो। नाथाय बयनिखुइबो देरसिन जेंनाया जाबाय मासुलआव नासयनायनि जेंना। जों जोंनि लोगो हौवा फावखुंगुरफोर बायदि गोब्राब खामानि मावो, जुदि बांसिन नडब्लाबो बिसोरनिखुइ बांसिन। नाथाय बांसिन आइजोफोरा खाफाल गोनां आरो हौवा फावखुंगुरनि मासुलनि जि बाहागोनि 1 बाहागोल' मोनो। लाराया फावखुंगुरफोरनि सोलायनायनि बागैबो रायज्जालो। बिथाड बुंदोंदि, आथिखालनि लाइमोन आथाला मोनसे थि लामाजों खामानि माववो आरो गावसोरखौ दिन्थिनो थाखाय बांसिन नारसिनजानाय। सिगाडव एसेबां नेम गैयामोन। जों जोंनि खामानिखौ मावदों आरो आवगायलादों। 'आन्दाज' सावथुनजों आगान होजेन्नाय लारा दत्ताया सावथुन मुलुगाव एसेल' नाथाय साबसिन खामानि मावदों। बिथांनि फेबाय थानाय मावथांखिफोराव नितेश तिवारीनि 'रामायण' आ दं जेराव बिथाड कैकेयीनि फाव खालामगोन। बेनि अनगायैबो बिथांज 'वेलकम टु द जंगल' आरो सुर्यास्त' आव दं। □

## शाहरुख खानआ फैनो गोनां सावथुननि सायाव आपडेट होदों

फावखुंगुरि शाहरुख खानआ 2023 माइथायाव गावनि सावथुनफोरनि सेबखानायाव जोबोद मुखुवमोन। बक्स अफिसआव पाठन, जवान आरो डंकीआ जाफुंसार जानानै गोबां रेकर्ड सिफायदोंमोन। 2023 माइथाया किंग खाननि थाखाय जोबोद जुनिया जाबाय। बेजों लोगोसे शाहरुख खानआ आथिखालाव गावनि आइपिएल हान्जा कलकाता नाइट राइडर्स (के के आर) मेचनि बागै सावरायगासिनो दं। बे समाववो फावखुंगुरआ गावनि फेगौ सावथुननि बागैबो फोरमायदों।

बिथाड बेखौबो बेखेवना होदोंमोनदि, बेफोर मोनथाम हिट सावथुनफोरनि उनाव बिथाड मानो ब्रेक लादोंमोन। शाहरुख खाननि अन्सायगिरिफोरा बिथांखौ गिदिर फे सालियाव फे फिन्नायखौ गोसो गुदुडै नेगासिनो दं। बावैसो शुक्रबारखालि स्टार स्पर्टसजों मोनसे रायज्जालायाव शाहरुखआ फोरमायदोंदि, बिथाड जुन दानआव गावनि फेगौ सावथुननि सेबखानायखौ जागायनो थंगासिनो दं। बिथाड बेखौबो फोरमायदोंदि, मोनथाम सावथुननि उनाव बिथाड ब्रेक




लादोंमोन मानोना बिथाड जिरायनो लुबैदोंमोन। बलिउड सुपारस्टार शाहरुख खानआ बे मोगा-मोगियाव बुंदोंदि, आं सान्दोंमोनदि बे मोनथाम सावथुननि उनाव आं एसे जिरायनो हागोन। जोबोद

गोब्राब नाजानायनि उनाव देहाखौ जिरायनायनि गोनांथि जायो। खाफाल मोजादि आनि फेगौ सावथुननि सेबखानाया आगस्त एबा जुलाइ दानआव जागोन। जुदि जों जुनिन थाखाय सानथांखि लादोंब्ला बेयो जुन

# भारत सरकारआ सामब्राम गोजा दैथाय हरनायाव 40 जौखोन्दो खाजोना जाबसिनदों

गोदान दिल्ली, 4 मे: सरकारआ शुक्रवारआव सामब्राम गोजा दैथायहरनायाव 40 जौखोन्दो खाजोना जाबसिनदों। बेजों लोगोसे सरकारआ 31 मार्च 2025 सिम देसी चना लाबोनायाव खाजोनाखौ रेहाय होनो थिरांथा लादों। बेनि अनगायैबो 31 अक्ट'बर, 2024 माइथायाव एबा बेनि सिगां फोसावनाय 'बिल अफ एन्ट्री'नि गेजेरजों गोमो मटर लाबोनायाव खाजोना रेहायखौबो बारायनाय जादों। बिल अफ एन्ट्रीआ बायजोनिक्राय लाबोनाय बेसादफोरनि सौफैनायाव एबा बेनि सिगां लाबोग्राफोर एबा कास्टम क्लियरेन्स एजेन्टफोरजों दाखिल खालामजानाय मोनसे आयेनारि फोरमान। रांखास्थि मन्थि बिफानआ मोनसे फोसावलाइआव बुंदोंदि, बे गासैबो सोलायनाया 4 मेनिफ्राय गोहोम गोरलैगोन। आथिखालाव सामब्राम गोजानि दथाय हरनायाव हेंथा दं।



बबेखानि सरकारआ भारतनि लोगोआरि हादरफोरनो दैथायहरनो गनायथि होयो। बेयो इउएइ आरो बांग्लादेशनो मोनसे थि बिबांनि सामब्राम गोजा दैथाय हरनो गनायथि होदों। थानाय बोसोरनि आगस्तआव भारतआ 31 डिसेम्बर 2023 माइथायसिम सामब्राम गोजानि सायाव 40 जौखोन्दो दैथायहरनाय खाजोना जाबसिनदोंमोन। सरकारआ थानाय सप्ताहयाव दैथाय

हरनायखौ होबथानायनि उनावबो दर 6 हादरफोरनो 99,150 टन सामब्राम गोजा दैथाय हरनो गनायथि होदोंमोन। मिरुआ सोनाब एसिया आरो माखासे इउरपनि हादरफोरनि दैथायहरनाय हाथायफोरनि थाखाय 2,000 टन जुनियायै गायजानाय सामब्राम गोजाखौ दैथायहरनो गनायथि होदों। बाहायग्रा आयदा, जाग्रा आदार आरो राइज्योआरि रानाय मन्थि बिफाना मोनसे मावख'आरि

बिबुंथियाव बुंदोंदि, सरकारआ दर 6 हादरफोर बांग्लादेश, इउएइ, भुटान, बाहरीन, मरीशस आरो श्रीलंकानो 99,150 टन सामब्राम गोजा दैथायहरनो गनायथि होदों। 2023-24 माइथायाव थोजासे नख 'रारि मोन्नायखौ रोखा खालामनो थाखाय दैथायहरनायखौ होबथानाय जादों मानोना खरीफ आरो रबि दिहुन्थाया थानाय बोसोरनि रुजुनायाव बाइइ जानो हागौ होन्ना

सान्नाय जादों। बेफोर हादरफोराव सामब्राम गोजा दैथायहरग्रा मोनसे एजेन्सि नेशनल क'अपारेटिभ एक्सपर्ट लिमिटेड (एनसिएएल)आ इ-प्लेटफर्मनि गेजेरजों दैथायहरनो थाखाय नख 'रारि सामब्राम गोजाखौ बिथोन होदों। बावैसो भारतआ मालद्वीपआव दावदै, आलु, सामब्राम गोजा, माइरं, गम आटा, सिनि आरो दालिफोर बायदि माखासे बेसादफोरनि थि बिबांनि दैथायहरनायाव होबथानायखौ बोखारदोंमोन। डायरेक्टरेट जेनेरेल अफ फरेन ट्रेडआ मोनसे फोसावलाइआव बुंदोंदि, रांखास्थियारि बोसोर 2024-25 नि समाव दरनै हादरनि गेजेराव बाइलेटेरेल फालागि गोरबेथानि सिडव मालद्वीपआव बेफोर बेसादफोरनि दैथायहरनायखौ गनायथि होनाय जादों। मालद्वीपखौ दावदै, आलु, सामब्राम गोजा, माइरं, गम आटा, सिनि, दालि, अन्थाइ आरो दैमा बाला दैथायहरनो गनायथि होनाय जादोंमोन।

## टी-20 वर्ल्ड कापआव गुबुन हादरनि जानानै एन्डारसनआ मेच गेलेगोन



गोदान दिल्ली, 4 मे: टी-20 वर्ल्ड काप 2024 आ फेगौ 1 जुनिफ्राय जागायगोन। वेस्ट इन्डिज आरो आमेरिकानि जुथायै बान्जायनायाव खुंजानो गोनां बे दुर्नामेन्टनि सायाव अन्सायगिरिफोरनि नोजोरआ दानिफ्रायनो गोग्लैनां दड। बे खेबआव आइसिसि टी-20 वर्ल्ड कापआव मोन 20 हान्जाफोरा बाहागो लागोन। जायनि फारिआव आमेरिकाया गिबियै दुर्नामेन्टआव बाहागोयारि जागोन। बेनि थाखाय आमेरिकाया हान्जानि फारिलाइखौ फोसावनां बयखौबो गोमोहोदों। टी-20 वर्ल्ड कापनि थाखाय

आमेरिकानि हान्जायाव अल राउन्डर करि एन्डारसनखौबो जायाग होदों। मख 'नो गोनांदि, बिथाड निउजिलेण्डनि जानानै इन्टरनेसनल मेच गेलेखांबाय। एन्डारसनआ निउजिलेण्डनि जानानै वन्डे आरो टी-20 वर्ल्ड काप बायदि गिदिर दुर्नामेन्टफोरावबो गेलेखांबाय। नाथाय बिथाड थानाय माखासे सानफोरनि सिगां निउजिलेण्डखौ नागारनानै आमेरिकानि हान्जायाव जइन्ट जानो थांखि लादों। जायनि जाउनाव बिथांखौ बे बिबानआव थागोन। जेराव बिथांजों लोगोसे एरन जनासआ लोगोआव थाफागोन।

वर्ल्ड कापजों लोगोसे 2014 आरो 2016 आव टी-20 वर्ल्ड कापआव निउजिलेण्डनि जानानै गेलेदोंमोन। बिथाड निउजिलेण्डनि थाखाय गासै खेब 43 मेच गेलेबाय। जेराव बिथाडा जोबथा खेब निउजिलेण्ड हान्जाजों 2018 आव गेलेनायनि उनाव 2023 आव आमेरिकासिम थानोंमोन। टी-20 वर्ल्ड कापनि थाखाय फोसावनाय आमेरिकानि सा 15 सोदोमानि हान्जायाव मनांक पाटेलआ केप्टेननि बिबानआव थागोन। जेराव बिथांजों लोगोसे एरन जनासआ लोगोआव थाफागोन।

## ब्राजिलआव अखा आरो हा गिसिखानायजों गोबां सुबुंफोरनि जिउ खहा आरो अनजिमाया बांनयनि आसा दं



रिय' ग्रान्दे द' सुल, 4 मे: ब्राजिलनि खोलायारि राइज्यो रिय' ग्रान्दे द' सुलआव गोबां अखा आरो हा गिसिखानायजों मोगा-मोगि जागासिनो दं। राइज्यो बेंगिरिया बेखौ दासिमनि बयनिखुइबो फोजोबसांग्रा अखा आरो हा गिसिखानाय बुंदों। अल जजीरानि फोरमायथिनाय बायदिब्ला, खैफोदनि जाहोनाव थैनायनि अनजिमाया सा 74 गोमानायजों लोगोसे सा 37 जाबाय आरो थैनायनि

अनजिमाया बांनो हागौ। अखा आरो हा गिसिखानाय राइज्योनि सुबुंफोरखौ सांग्रां खालामदों। गोरलैनाय न'फोर, दालांफोर आरो लामाफोरनि बायखोन्दा बाहागोनि गेजेराव थाबथानानै थानाय सुबुंफोरखौ नागिरनो थाखाय हरखाब अपारेसन जागायनाय जादों। रैखाथि हाबाफारिया सोलिगासिनो दं आरो थैनायनि अनजिमाया बांनो हागौ। थासारिखौ नोजोर होनां राइज्यो बेंगिरि एडुआर्ड' लीटेआ

जाब्रवथयनि थासारि फोसावदों। रायजो बेंगिरि एडुआर्ड' लीटेआ बुंदोंदि, 'जों जॉनि जारिमिनाव बयनिखुइ गाजिसिन खैफोदजों जुजिगासिनो दं। रैखाथि हाबाफारिया सोलिगासिनो दं नाथाय दुखुनांथावै थैनायनि अनजिमाया बांनो हागौ। हादरगिरि लुइज इनासिय' लुला दा सिल्वाया गोहोम गोरलैनाय ओन्सोलखौ आबु' हेफाजाब होनो खोथा होदोंमोनदि, गोब्राब बोथोरनि थासारिनि

जाहोनाव जानाय जेनाफोरखौ बाइइ खालामनो थाखाय सुबुं एबा बेसादारि सम्फदनि जेबो आंखाल जानाय नड। रैखाथि हाबाफारिया हेफाजाब होनो थाखाय 626 रौनियाफोरजों लोगोसे गं 12 बिरखं, गं 45 गारि आरो गं 12 नावफोरखौ थिसनानै जथाय हादरारि हेफाजाबखौ सिगानिफ्रायनो बुधुमनाय जाबाय। लामाफोरखौ साफा खालामनाय, जाग्रा आदार, दै आरो गाद्दा बायदि गोनांथार बेसादफोर रानाय आरो जायगा सोलायनाय सुबुंफोरनि थाखाय थाग्रा खुलिफोर गायसन्नायाव गोसो होनाय जादों। बे समावनो राइज्योनि गाहाइ गुइबा दैमाया गिथावना थाखोसिम सौहैनो हागौ होन्ना सान्नाय जादों। जुदि बेबादि जायो अब्ला दैबानानि थासारि सोमजिनो हागौ आरो थासारिया आरोबाव जिगासिनो हागौ। नायखांग्रा एजेन्सिफोरा खैफोदनि एलार्ट फोसावदों।

## रिलाइन्सनि गाहाइ मुकेश आम्बानीनि सम्फथिआ 1 सानाव 19,177 कौटि रां खमायदों

गोदान दिल्ली, 4 मे: रिलाइन्स इन्डास्ट्रीजनि मासिगिरि आरो एसियानि बयनिखुइबो धोनिसिन सुबुं मुकेश आम्बानीनि गासै सम्फथिया जोबोद बाइइ जालांदों। सप्ताहनि जोबथा फालागियायि सानआ रिलाइन्सनि बाहागोफोरा शुक्रवारखालि दावखलायदोंमोन। बेयो मुकेश आम्बानीनि गासै सम्फथिखौ गोहोम खोख्लैदों। बेराफारसेथिं भारतनि नैथि धोनिसिन सुबुं गौतम आडानीनि गासै सम्फथिआबो शुक्रवारखालि गाहायाव फेदों। एसियानि बयनिखुइबो धोनिसिन सुबुं मुकेश आम्बानीनि गासै सम्फथिया शुक्रवारआव जोबोद बाइइ जादों। ब्लुमबार्ग बिलियनयस इन्वेक्सनि बायदिब्ला, मुकेश आम्बानीनि गासै सम्फथिया शुक्रवारआव 2.30 बिलियन डलार एबा 19,177 कौटि रांसिम दावखलायदों। बेयो मुकेश आम्बानीनि गासै सम्फथिखौ 111 बिलियन डलारसिम लाबोदों। बिथाड आथिखालाव मुलुगनि 11थि धोनिसिन सुबुं आरो बे बोसोराव दासिम मुकेश आम्बानीनि गासै



सम्फथिआ 14.3 बिलियन डलार बांदों। आडानी गुपनि बिगोमा गौतम आडानीनि सोमोन्दै बुंनो थाडोब्ला बिथाड आथिखालाव बुहुमनि 14थि धोनिसिन सुबुं। गौतम आडानीनि गासै सम्फथिया शुक्रवारआव 6.11 बिलियन डलार (50.94 बिलियन रां) खमायदोंमोन। बेयो गौतम आडानीनि गासै सम्फथिखौ 98.5 बिलियन डलारसिम बाइइ खालामबाय। गौतम आडानीनि गासै सम्फथिया बे बोसोराव दासिम 14.2 बिलियन डलार बांदों। एलभीएमएचनि सिइअ बार्नाई अनार्ल्ट आ गोबाव

समनिफ्रायनो मुलुगनि बयनिखुइबो धोनिसिन सुबुं। बिथांनि गासै सम्फथिया 218 बिलियन डलार। बे बोसोराव बिथांनि गासै सम्फथिया 10.7 बिलियन डलार बांदों। एमाजननि लोगो-गायसनगिरि जेफ बेज'सआ 208 बिलियन डलारनि गासै सम्फथिजों बुहुमनि नैथि धोनिसिन सुबुं आरो बे बोसोराव बिथांनि गासै सम्फथिया 31.3 बिलियन डलार बांदों। टेस्ला, स्पेसएक्स आरो एक्सनि बिगोमा एलन मास्कआ 192 बिलियन डलारनि गासै सम्फथिजों मुलुगनि थामथि धोनिसिन सुबुं जानानै दं। बे

बोसोराव दासिम बिथांनि गासै सम्फथिया 36.7 बिलियन डलार गाहायाव फे बाय। मेटानि सिइअ मार्क जुकारबार्गआ 161 बिलियन डलारनि गासै सम्फथिजों बुहुमनि ब्रैथि धोनिसिन सुबुं। बे बोसोराव दासिम बिथांनि गासै सम्फथिया 32.8 बिलियन डलार बांदों। आरबपति बिल गेटसआ 149 बिलियन डलारनि गासै सम्फथिजों बुहुमनि बाथि धोनिसिन सुबुं जानानै दं। बिलनि गासै सम्फथिया बे बोसोराव दासिम 8.33 बिलियन डलार बांदों।

## गाजायाव सासेबाव हामासनि बेंखनआव दोनहै जानाय इज्राइलनि नोगोरारिनि जिउ ख'हा

जेरुजालेम, 4 मे: गाजायाव थानाय 7 दाननिफ्रायनो हामासनि बेंखनआव लाखिजानाय 49 बोसोर बैसोन डिडर अरआ जिउ गोमाबाय। बिथानि थैनायनि गुबै जाहोनाखौ मिबथिनो हानाय जायाखै। मख 'जाथावदि, इज्राइलनिफ्राय 2023 नि 7 अक्ट'बरआव लांखारना बेंखनआव दोनहैजानाय सुबुंफोरनि गेजेरव डिडरआ 38 थि सुबुं, जायफोर जिउ गोमाबाय। मख 'जाथावदि, बै सानाव हामासआ इज्राइलनिफ्राय सा 250 सुबुंफोरखौ लांखारदोंमोन। बिसोरनि गेजेराव सा 105 सुबुंफोरखौ नभेम्बर दानाव सप्ताहसेनि थाखाय दावहा दोन्थ'नाय गोरबेथानि गेजेरजों हगारहरदोंमोन। बिसोरनि अनगायै आद्रा गुबुन सुबुंफोरखौ हामासआ गावसिनि बेंखनआवनो लाखिदों। नाथाय बिसोरनि आखायाव बिसोरनि साबेसे सुबुंफोरा दंबावो एबा



साबेसेया जिउ गोमाखौ बेखौ रोखायै मिबथिनो हायाखै। बेंखनआव लाखिजानाय सुबुंफोरखौ आबुडै हगारनायनि थाखाय गाजायाव दावहा दोन्थ'नायनि आयदाजों लोगोसे हामासनि उतखारि हान्जाजों सावरायनाया सोलिगासिनो। डिडरखौ बिनिसानै फिसाफोरजों लोगोसे इज्राइलनि किबुजबेरि सहरनिफ्राय लांखारदोंमोन। सप्ताहसेनि थाखाय दावहा दोन्थ'नायाव बेनि सानैबो फिसाफोरा हगारहरजादोंमोन। नाथाय डिडरआ हगारजायाखैमोन। हामासनि

बेंखनआव डिडरनि जिउ गोमानायखौ रागा जोंनाय दिन्थिनानै माखासे सुबुंफोर तेल अभिबआव थानाय इज्राइल सान्थिनि मावख'मोखाडव धर्ना खालामदों। मख 'जाथावदि, उतखारिनि बेंखनआव दोनजाबावनाय सुबुंफोरखौ हगारनायनि थाखाय गोरबेथानि खालामनो दाबि दैखानानै इज्राइलआव सुबुंफोर माखासे दान सिगांनिफ्रायनो धर्ना खालामबोदों। फारसेथिं बे समावबो गाजापट्टियाव इज्राइलनि गाग्लोबनाया सोलिगासिनो आरो बेफोर

गाग्लोबनायाव थैनाय फिलिस्तानीफोरनि अन्जिमाया 35 रोजानि खाथियाव सौहैबाय। इउएनआ बुंदोंदि, गाजापट्टियाव इज्राइलनि गाग्लोबनायजों जेसेबां सिलिखार जादों एसेबां नैथि मुलुग दावहानि उनाव जेरावबो नुनो मोनाखैमोन। गाजाया सिगांनि थासारियाव एबा सरसन्खा थासारियाव फैफिन्नो थाखाय गोबाव बोसोर सम नानो हासिगौ। गाजानि रफाह सहराव इज्राइल सान्थिनि हा साजों गाग्लोबनायखौ लाना आमेरिकानि रैखाथि मन्थि लयत अस्तिनआ बुंदोंदि, बिसोरनि थाखाय थासारिया गोरलै नड। रफाहयाव दावहाजों भुगिनांनय सा 14 लाख बिथा गोमानानाय फिलिस्तानीफोरा आश्रय लानानै दड। इज्राइलनि बुंनाय बायदिब्ला बिसोर फिलिस्तानीनि गेजेरावनो हामासनि उतखारिफोरा थाखोमानानै दड; जायखौ आबुडै फोजोबनाया गोनांथार।

## फिफा वर्ल्ड काप 2026 आव मोनब्रै हान्जानि मोन 12 गुपफोरा सेलेन्जआव औंखारगोन

पेरिस, 4 मे: मुलुगनां फुटबल फसंथान फिफाआ 2026 आव खुंजानो गोनां फिफा फुटबल वर्ल्ड कापनि थाखाय सिडिउलडनि फारिलाइखौ सिगाडवनो फोसावबाय। बे दुर्नामेन्टनि फाइनाल मेचआ निउयर्कनि मेडलाइफ स्टेडियमआव खुंजागोन। फेगौ 2026 नि 11 जुनखालि मेक्सिक' सिटिनि एजतेका स्टेडियमआव जागायनानै बे दुर्नामेन्टनि बिमुनि बादायनाया 19 जुलाइआव जाहैगोन। मख 'नो गोनांदि, फिफा वर्ल्ड काप 2026 आव गासै मोन 48 हान्जाफोरा बाहागो जागोन। जेराव बे दुर्नामेन्टखौ आमेरिका,

कानाडा आरो मेक्सिक'आ बान्जायगोन। दुर्नामेन्टआव गासै मोनब्रै हान्जाफोरनि मोन 12 गुप थागोन। जेराव मोनफ्रोन गुपनिफ्राय टप 2 हान्जाफोर आरो थामथि मासिआव जायगा मोन्नाय मोन 8 साबसिन हान्जाफोरा दुर्नामेन्टआव सिगांफासै आवगायगोन। बेनि उनाव दुर्नामेन्टआ थोंजोडै नकआउटआव सौहैगोन। फिफाआ बे मेचनि हाबाफारिनि फारिलाइखौ फोसावनां दुर्नामेन्टनि थाखाय डूखौ 2025 नि जोबनायसिमआव औंखारगोननि मिजिथि होदों। निउजार्सिनि इस्ट रडारफर्डआव निउयर्कनिफ्राय हाडसन दैमानि



रुगुव मेडलाइफ स्टेडियमआ दड। जेराव सा 82 रोजानिबो बांसिन नायगिरिफोरा उदाडैनो रंजनाय लानो हागोन। बेयाव 2016 आव जालानाय कपा आमेरिका दुर्नामेन्टनि फाइनालजों लोगोसे गोबां हारिमायारि फुटबल टुर्नामेन्टफोरखौ

बान्जायखांबाय। एजतेका स्टेडियमआ 1970 आरो 1986 नि गेजेराव मोनथाम गुबुन गुबुन सिजनआव वर्ल्ड काप गेम्सखौ बान्जायनो हनाय गिवि स्टेडियम जासिगोन। जेराव बे स्टेडियमआ 1970 आरो 1986 नि दुर्नामेन्टआव फाइनालखौ जाफुसैरै बान्जायदोंमोन।

## सि एस केनि थाखाय मोजां खौराडा सोराडाव फेदों

गोदान दिल्ली, 4 मे: सोलिफु आइपिएलआव चेन्नाइ सुपार किंसनि हान्जाया दासिमावबो मोजाडे दिन्थिफुनो हायाखे। बे हान्जाया खेब 10 बादायनाय मेचफोरनि गेजेराव खेब 5 मेचफोरवल' देरहादों। गुबुन खेब 5 हान्जायाव जेन्नायनि थाखाय सिएसकेआ पइन्टनि फारिलाइआव 5 थि मासिआव जायगा मोन्दों। जाउनाव बे हान्जाया प्ले अफ आब सौहेनायनि थाखाय गावसोरनि आरो महिशा तिशनआ बे हान्जाजों आइपिएलआव गेलेसिगोन। बे टुनामेन्टनि थाखाय भिजा भेरिफिकेसननि थाखाय बिसोर सानै गेलेगिरिखौ मोनगोन। जेराव बे हान्जाया पान्जाब किंसनि सेलेन्जआव ओंखारगोन। थानाय मेचआव बे हान्जाया पान्जाबनि हेँथायै गात्रियै जेन्नादोंमोन। जेराव मेचनि सिगां हान्जानि थाखाय मोनसे गात्रि खौराडाबो सोराडाव फेदोंमोन। चेन्नाइयाव पान्जाबनि हेँथायै गेलेनायनि उनाव सिएसकेनि सानै गेलेगिरिआ हारदरसिम फेनफोनबाय। लोगोसेनो बिसोर



गेलेगिरिफोरा गोलाव सम जिरयालासे हान्जाजों गेलेनो थियारि जाबाय। मतिशा पतिराना आरो महिशा तिशनआ बे हान्जाजों आइपिएलआव गेलेसिगोन। बे टुनामेन्टनि थाखाय भिजा भेरिफिकेसननि थाखाय बिसोर सानै गेलेगिरिफोरा गावसोरनि हारदर श्रीलंकासिम थादोंमोन। जाउनाव बिसोर सानै बाहागो जागोन एबा जायैनि सायाव गोदान आपडेड फेयाखेब्लाबो समनि सिगांनो बिसोर सानैबो भारतआव सौफेबाय। मतिशाआ गावनि सौफेनायखौ ससेल मिडियानि गेजेरजों फोस्मायदों। चेन्नाइनि हान्जाया फेगौ 5 मेखालि पान्जाबनि सेलेन्जआव ओंखारगोन। सिएसकेनि थाखाय

गोखों बलार मुस्ताफिजुर रेहमानआ हारदरसिम थाफिनबाय। बिथाडा बे खेबआव गावनिनो नेसनेल हान्जाजों गेलेगोन। बांलादेशनि हान्जाया खुंजानो गोनां टी-20 वर्ल्ड कापनि सिगां जिम्बाबवेनि हेँथायै खेब 5 टी-20 मेचफोरनि सिरिज गेलेगोन। नाथाय बे सिरिजनि जागायजेनाय खेबथाम टी-20 मेचफोराव बिथाडा हान्जायाव जायगा मोनाखे। मानोना गेलेगिरिफोरखौ सायख'नायनि सिगांनो बिथाडा गावनो जिरायनो सम बिदोंमोन। मुस्ताफिजुरनि हारदरसिम गिदि'फिनगोननि खौराडा सिगाडावनो रोखा जादोंमोन। बांलादेशआ जिम्बाबवेनि हेँथायै टी-20 सिरिजखौ थांनाय 3 मेनिफ्रायनो गेलेगासिनो दड।

## 2 बोसोरनि गेजेराव आइजो फुटबलारफोरनि अन्जिमाया गोबां बांदों

गोदान दिल्ली, 4 मे: भारतआव गासै 28 रोजासो आइजोफोरा फुटबलखौ गावसोरनि केरियार खालामनानै लाबाय। आइजोफोरनि बे अन्जिमाया हौवा गेलेगिरिफोरनि रुजुनायाव गोबां खम जानानै दड। जेराव हौवा फुटबल गेलेगिरिफोरनि अन्जिमाया 2 लाख 20 रोजानिखुइबो बांसिनआव सौहेबाय। नाथाय मोनफ्रोमबो थाखोआवनो मोजां थाखोनि जौगानाया गाहाइ थाखोनिफ्रायनो जागायजेनो। गासै सा 27,936 आइजोफोरनि अल इन्डिया फुटबल फे डारेसनआव रेजिस्टार खालामजानाया भारतीय आइजोफोरनि फुटबलनि फोथारआव मोनसे जर'खा आवगायनायनि इसार लाबोयो। जेराव 2022 आव गासै सा 11,724 गेलेगिरिफोराल' रेजिस्टार खालामदोंमोन। भारतीय आइजो फुटबलारफोरा हौवा गेलेगिरिफोर आरो गुबुन हारदरयारि गेलेगिरिफोर मोन्नाय राडाारि बान्था बादि मोन्नो हाथ'थाखे। नाथाय बेबादि



थासारिनि जाउनावबो फिफानि रेकिं आव भारतआ 66 थि मासिआव जायगा मोनो आरो हौवाफोरनि हान्जाया 121 नम्बरआव जायगा आवग्रियो। भारतीय आइजो हान्जानि मुंदंखा सागानगिरिफोर फारियै मानुशा कल्यान, ज्यति चौहान, एमके कासमिना, किरन फिस्ता आरो इ पान्थइआ गुबुन हारदरनि गोखों सुबुंफोरजों गेलेयो। फुटबलनि जर'खागिरिफोरा हमदांनय बादिब्ला, हौवा हान्जाफोरनि रुजुनायाव आइजो हान्जानि

वर्ल्ड कापआव क्वालिफाइ जानायनि खालुआ जौसिनआव दड। बिथामोननि बादिब्ला, एआइएफएफआ आइजो फुटबलार आरो बांसिन हेफाजाबगिरिनि सायाव नोजोर लाखिनांगौ। प्रे पारेसनआ भारतनिफ्राय जाफु'सारनाय आइजो लीग इन्डियान अमेन्स लीग आरो अवे मेचनि फर्मेटखौ जागायजेनबाय। बेजों लोगोसेनो सोलिफु सिजनआव नैथि खोलोबनि लीग आइडब्लिउएल टुरआबो

जागायबाय। जेराव मोन 15 हान्जाफोरनिफ्राय मोननै हान्जाफोराल' प्रमसन मोनगोन। बांसिन हान्जाफोर, बांसिन मेच आरो बांसिन कन्ट्रेक्टजों आइजो गेलेगिरिफोरा गावसोरखौ मुखुब खालामनानै दड। आइडब्लिउएलआव मोननै आइएसएलनि आइजो हान्जाफोराबो जायगा मोन्दों। लोगोसे खेबथाम सेम्पियन गकुलाम केरलाआबो फारिआव दड। जेराव बे हान्जाया गुबुन हारदरफोरनि इभेन्टआव गेलेनाय

भारतनि गिबि आइजो हान्जाबो जादोंमोन। आथिखालाव आइजो फुटबल हान्जाफोरनि गेजेराव गेलेगिरिफोरनि क्लाब प्रमसनल कन्ट्रेक्टआवबो सोलायनाय फेदों। थामहिनाबा मुंदंखा गेलेगिरिफोरा बोसोरख 6-7 लाख रं आजिनो हासै। सासे गागि बिबानगिरिआ फोरमायनाय बादिब्ला, टप गेलेगिरिफोरनि सालारिआ 10-12 लाख रंसिम सौहेयोब्ला आइजोफोरनि थुलु'गाया आरोबाव बांसिननो हमगोन। भारतीय फुटबल हान्जानि कचआ आइजो वर्ल्ड कापनि थाखाय क्वालिफाइ जानांगौब्ला गावसोरनि गेजेराव मेच देरहानायनि हारखौ बांहोनांगौनि गोनांथिखौ फोरमायो आरो गेलेगिरिफोरनो नांगौबादि मुलाम्फा होनांगौखौ फोरमायो। लोगोसे बेनि थाखाय ट्रेनि आरो इभेन्टफोरनि थाखाय बोसोरारि बाजेट होनांगौनि थाखायबो बिथाडा दाबि दैखादों।

## भारतनि बेडमिन्टन गेलेगिरिफोरा मोनथाम सिंगेल्स आरो मोननै डाबल्स इभेन्टआव मेडेलनि थांखिजों ओंखारगोन

गोदान दिल्ली, 4 मे: सोलिफु बोसोरनि जुलाइ दानआव खुंजानो गोनां पेरिस अलिम्पिक गेम्सआव बेडमिन्टननि फोथारनिफ्राय भारतनि सा 7 गेलेगिरिफोरा ओंखारगोन। बिथामोनहा गावसोरनि रेकिंजों अलिम्पिकआव मोन 5 इभेन्टनि थाखाय क्वालिफाइ जाबाय। खेबनै अलिम्पिक मेडेल देरहानाय पिथि सिन्धु, बारग' वर्ल्ड नम्बर 1 एडसएस प्रनय आरो लक्ष्य सेनआ सिंगेल्स इभेन्टनि थाखाय गावनि मासिखौ रोखा खालामबाय। हौवाफोरनि डाबल्सआव सात्विकराइजज रेन्किरेड्डु-सिराग शेड्रिनि जर आरो आइजोफोरनि डाबल्सआव तनिषा क्रास्ट-आस्विनी पनप्यानि भारतीय जरआ अलिम्पिकनि थाखाय क्वालिफाइजों मेडेलनि मिजिंथि



लाबोदों। अलिम्पिकआव बेडमिन्टननि टप 16 गेलेगिरिफोरा बाहागो लायो। लोगोसे दरसे हारदरनिफ्राय मोनसे इभेन्टआव सानैल' गेलेगिरिफोरा बाहागो लानो हायो। फेगौ जुलाइ दानआव खुंजानो गोनां अलिम्पिकनि थाखाय थानाय 30 एप्रिलसिमनि रेकिंनि सायाव नोजोर लाखिनाय जादोंमोन। जायनि गेजेरजोंनो भारतनि सा 7 गेलेगिरिफोरा क्वालिफाइ

जादों। बारग' वर्ल्ड सेम्पियन आरो अलिम्पिकआव सिलभार आरो ब्रन्ज मेडेल देरहानाय सिन्धुआ थानाय 30 एप्रिलखालि फोसावनाय रेकिंआव 14 थि मासिआव जायगा मोन्दोंमोन। नाथाय चीननि साब्रै गेलेगिरिफोरा बिथानि जौसिन रेकिंआव थादोंमोन। अब्लाबो अलिम्पिकआव दरसे हारदरनिफ्राय सानै गेलेगिरिफोरा बाहागो जानायनि जाउनाव

सिन्धुनि रेकिंआ 12 आव आवगायनाय फेदों। हौवाफोरनि सिंगेल्सआव प्रनयआ 9 थि आरो लक्ष्यआ 13 थि मासिआव जायगा मोन्दों। सात्विकराइजज रेन्किरेड्डु आरो सिराग शेड्रिनि जरआ थामथि मासिआव जायगा मोन्दों। गुबुन फासै आइजोफोरनि डाबल्सआव तनिषा आरो आस्विनीनि जरआ 21 थि मासिआव जायगा आवग्रिदों। नाथाय चीननि मोन 4, जापाननि मोन 5 आरो करियानि मोन 3 जरआ भारतीय जावजानि सिगाडाव जायगा मोन्नायनि जाउनाव भारतआ टप 16 आव आवगायदोंमोन। बेबादि थासारिआव दरसे हारदरनिफ्राय मोननै हान्जा एबा गेलेगिरिफोरनि' बाहागो जानो मोन्नायाव तनिषा आरो आस्विनीनि जरआ 13 थि मासिआव आवगायनायनैफेदोंमोन।

गोदान दिल्ली, 4 मे: भारतीय आइजो हान्जाया सोलिफु समाव बांलादेशसिम दावबायनाय अभियानआव दड। बे मोननै हान्जानि गेजेराव खेब 5 टी-20 मेचफोरनि सिरिज गेलेनाया सोलिगासिनो दड। बे सिरिजआ भारतीय हान्जानि थाखाय जर'खा जागोन। मानोना फेगौ से प्तेम्बर-अक्टबर दानआव बांलादेशआव आइजोफोरनि टी-20 वर्ल्ड कापआ खुंजानो। बेबादि थासारिनि गेजेराव भारतीय हान्जाजों सोमोन्दो थानाय मोनसे सिरिजनि सिडिउएलआ सोराडाव फेदों। थामहिनाबा भारतनि हान्जाया फेगौ जुन आरो जुलाइआव खेबसेटेस्ट खेबथाम वन्डे आरो खेबथाम टी-20 मेचनि थाखाय खोला आफ्रिकानि आइजो हान्जानि हेँथायै बादायगोन। कर्नाटक स्टेट क्रिकेट एस'सिएसननि बिबानगिरिआ वन्डे आरो टी-



20 मेचआ बे'गालुरुआव खुंजानोखौ फोरमायो आरो टेस्ट मेचआ चेन्नाइआव खुंजानो। वन्डेमेचआ फेगौ 16 जुननिफ्राय एम सिन्नास्वामी स्टेडियमआव खुंजानो आरो 'खेबसेल' टेस्ट मेचआ 28 जुननिफ्राय एमए सिदाम्बरम स्टेडियमआव खुंजानो। बेनि उनाव भारतीय हान्जाया 5, 7 आरो 9 जुलाइखालि टी-20 सिरिजनि

थाखाय बे'गालुरुसिम गिदि'फिनगोन। मख'नो गोनांदि, ह्वाइट बल फर्मेटनि सिरिजआ थांनाय बोसोरनि जोबनाय समावनो खुंजानो गोनांमोन। नाथाय थांनाय बोसोरनि अक्टबर-नभेम्बर दानआव भारतआव खुंजानाय 50 अभारनि आइसिसि मेन्स वर्ल्ड कापनि थाखाय अक्टखौ सोलायनादोंमोन। लिमिटेड

अभारनि बे सिरिजआव बे खेबआव आरोबाव खेबसेटेस्ट मेचखौबो सरजाबनाय जाफादों। भारतीय क्रिकेट बर्ड आरो क्रिकेट साउथ आफ्रिकाआ गोजाम फर्मेटआव आइजो क्रिकेटखौ खुंबोगासिनो दड आरो बेखौ हारिमायारि थाखोआव आवगायहोनो नांथाबनानै दड। मख'नो गोनांदि, थांनाय बोसोराव डिसेम्बर दानआव मुम्बाइआव इंग्लेण्ड आरो अस्ट्रेलियानि हेँथायाव 1-1 मेच गेलेदोंमोन। भारतआ बे मेचफोराव इंग्लेण्डखौ आइजोफोरनि टेस्ट क्रिकेटआव बयनिखुइ देरसिन 347 रानजों आरो अस्ट्रेलियाखौ 8 उइकेटजों फेजेन्दोंमोन।

## रिफिउजि अलिम्पिक हान्जाया पेरिस-निफ्राय गोजोननि खौरां दैथाय हटगोन

पेरिस, 4 मे: रिफिउजि अलिम्पिक हान्जायाव गासै सा 36 गेलेगिरिफोर थागोन। जायनि थाखाय मुंफोरनि फारिलाइखौ इन्टारनेसनेल अलिम्पिक कमिटिनि आफादगिरि थमास बैशआ सुइजारलेण्डनि लुसानेआव जालांनय मोनसे हावाफारिनि समाव फोसावदों। बिसोर सा 36 गेलेगिरिफोरा दर 11 हारदरफोरनिफ्राय जायगा मोन्दों। जेराव बिसोर मोन 12 गेलेमुफोराव बाहागो लागोन। आफगानिस्ताननि गिबि आइजो ब्रेक डेन्सार आरो केमरुनआव जोनोम मोन्नाय सासे ब्रिटिस बक्सि सेम्पियन आरो भेनेजुएलानि सासे शूटारआ रिफिउजि अलिम्पिक हान्जानि फारिआव जायगा मोन्दों। जेराव बिसोर फेगौ जुलाइ दानआव जानो गोनां पेरिस अलिम्पिक गेम्सआव बाहागो जागोन। अलिम्पिक कमिटिनि आफादगिरि थमासआ बे गेलेमुफोराव बाहागो लानानै गावसोरनि रोंगथि आरो आदोबफोरनि गुनखौ



दिन्थिगोननि सायाव बात्रा बुंदों। लोगोसे बेयो मुलुगनि फ्राय 100 मिलियन जायगा सोलायनाय सुबुंफोरनो मोनसे मिजिंथि खौरां दैथायहरगोननि मिजिंथि लादों। बिथाडा बे गेलेनायनि गेजेरजों मुलुगनि कौटि-कौटि सुबुंफोरखौ रिफिउजिनि जेना नुजानायनि सोमोन्दै सांग्रां खालामगोननि मिजिंथि लादों। मख'नो गोनांदि, मोनसे सायख'नाय बिखास्थिनि उनाव रिफिउजि हान्जानि दाथाया अलिम्पिक आफादनि मावफु' बर्डजों

गानायथि होजादों। बेयाव साफ्रोम एथलीटफोरनि गेलेमु गोहो, रोंगथि आरो साबसिन लोगोसे जुथाय हारदर रिफिउजि एजेन्सि इउएनएडसिसिआरजों फोरमान होजानाय रिफिउजिनि थामोन्था दंफायो। गासै सा 36 रिफिउजि एथलीटफोरनि गेजेराव सायख'जानाय गेलेगिरिफोरखौ अलिम्पिक कमिटिआ मोनसे फरयसा स्क्लारसिप हावाफारिनि गेजेरजों अलिम्पिक आफादजों सोमोन्दोआव लाबोदोंमोन। रिफिउजिफोरनि थाखाय इउएन हाइ कमिसनर पिलिप ग्रान्डिआ

रिफिउजि अलिम्पिक हान्जानि सिगांफासै आवगायनायखौ फोरमायनायनै गावसोरनि दिन्थिफु'नायजों गासैबो सुबुंफोरनि लोरबांथि साहस आरो मिजिंफोरखौ गोसोखां होगोन होन्नानै मिजिंथि लादों। जेराव बे गेलेनायनिफ्राय दावहा एबा अनागारि खालामजानानै गावसोरनि न'निफ्राय खारलानाय बैफोर सुबुंफोरनि गेजेराव मोनसे आवगायनायनि दोहौ फेगोनखौ मिजिंथिदों। बे समाव बिथाडा बिसोरनि

हान्जानि बाहागो जानाया सुबुंफोरनि गोसोआव जौगानायनि जाहोन जागोनखौ मिजिंथियो। मानोना रिफिउजिफोरनि जिउआ गोबां समावनो दुखु गोनां जाथायफोरनि दोहौजों गादबना दोनजायो। जायनि थाखाय पिलिपआ बिथामोननि बाहागो जानायजों अलिम्पियनफोरनि अनागायबो बयनिबो गोसोआव मोनसे दोहौ फेगोनखौ मिजिंथिदों। पेरिस अलिम्पिकआव थामथि खेब रिफिउजि हान्जाया बाहागो लागोन। जेराव बेनि सिगां हान्जाया गिबियै 2016 आव बाहागो लादोंमोन। बे खेबआव रिफिउजिनि देरसिन हान्जा ओंखारगोन। मख'नो गोनांदि, रिफिउजिनि हान्जाया गिबि खेबनि थाखाय अलिम्पिक फिफिलानि सोलायै गावसोरनि नेसंन आरो फिफिलजों ओंखारगोन। रिफिउजि हान्जानि केप्टेन मासुमा आली जादाआ गावसोरनि बाहागो लागोनखौ गोजेनाय फोरमायदों।

**NERIM GROUP OF INSTITUTIONS**  
Affiliated to Dibrugarh University, Gauhati University & ASTU  
Approved by NCTE, BCI & AICTE, MoE, Govt. of India

**NERIM**  
Estd. 1992

**ADMISSION NOTICE**

Counselling for Admission is going on for the following courses (Session 2024-25). Admission will be governed strictly as per prescribed rules of the concerned University. The candidate must fulfill the norms as prescribed by the concerned University.

<b>Course in Management:</b>	<b>MBA</b> 2-year	<b>BBA</b> 3-year	<b>PGDM</b> 2-year
<b>Course in Computer Science:</b>	<b>MCA</b> 2-year	<b>BCA</b> 3-year	<b>PGDCA</b> 1-year
<b>Course in Commerce:</b>	<b>M.Com</b> 2-year		<b>B.Com</b> 4-year
<b>Course in Law :</b>	<b>BALLB(H)</b> 5-year integrated		<b>LLB(H)</b> 3-year
<b>Course in Social Science:</b>	<b>MA</b> 2-year (Appl. Psychology)	<b>BA</b> 4-year (Psychology)	<b>MSW</b> 2-year <b>BSW</b> 4-year
<b>Course in Education :</b>	<b>MA</b> (Education) 2-year		<b>B.Ed</b> 2-year
<b>Courses for working personnel.</b>	<b>MBA</b> (Part Time) 3-year		<b>PGDM</b> 2-year

For detailed information, please contact Admission Counsellor:  
**9954190758 / 7002667575 / 9954051419 / 9864750000**  
For online admission, log into [www.nerimindia.org](http://www.nerimindia.org)

Prof. (Dr) Sangeeta Tripathi, Director, NERIM  
Jayanagar, Khanapara, Guwahati, Assam, Pin-781022  
[www.nerimindia.org](http://www.nerimindia.org)    [nerimindia@gmail.com](mailto:nerimindia@gmail.com)